



Wantok

Namba 2055 Januəri 23 - 29, 2014 28 pes

Niuspepa Bilong Yumi Ol PNG Stret!

K1 tasol

Go bek SKUL



Like
na painim aut moa long ol narapela promosens blong mipla bihain taim.

8-pes Spesol

Parkop glasim arapela rot bilong kontrolim buai

Fr. Giorgio Licini
Catholic Reporter

Dispela tambu bilong salim buai long Mosbi bai i no inap stap oltaim. Long taim NCD i painim narapela rot bilong stretpela pasin bilong kontrolim gut buai insait long siti, bai ol i toksave long pablik.

Ol opisa bilong Nesenel Kapitel Distrik Komisn (NCDC), i tokaut long dispela plen bilong Gavana Powes Parkop long wanpela semina bilong ol yut long St John Katolik Peris long Tokarara long las wiken.

NCD Eking Manesa bilong Sosel Sevis, Vincent Manukayasi i tok NCD i save lusim K10milien long wan yia long klinim siti long ol pipia olsem na ol pipel i no mas kaikai buai na spet nabaut long laik bilong ol. Em i tok nau i gat tambu long salim na kaikai buai long mekim ol pipel i luksave olsem ol i no inap mekim nabaut long laik bilong ol.

Em i tok ol pipel bilong sampela ples i save long stretpela pasin bilong kaikai na spetim gut buai long haus bilong ol na ol i no spet nabaut long rot na ol pablik ples, tasol sampela lain i no mekim olsem.

Long taim dispela strongpela tambu i pinis, bai i gat laisens bilong buai bisnis tasol bai i tambu tru long kaikai buai long kar na long ol pablik ples.

Ol lain bilong NCDC i wok long painim maket bilong ol lain bilong Sentral Provins husat i save karim saplai i kam long Mosbi, long salim buai bilong ol i olsem long Kerema na Mendi na i go long ol hap bilong Hailans.

Narapela rot ol i wok long lukluk long en nau em long painimaut sapos ol inap long yusim buai long baio-fuel bisnis. Sapos inap bai ol buai groa i gat dispela rot tu long kisim mani long buai bilong ol.

PM sapatim AROB agrimen



Madang botenikel gaden i kamap olsem maket ples- p18

Praim Minista Peter O'Neill wantaim AROB presiden Sif John Momis na tupela lida bilong AROB long miting asde long Mosbi. AROB pipel i givim spia na bunara long mista O'Neill. Mista Momis i tokim Praim Minista long kisim dispela bunara na spia kam wantaim long Bogenvil long neks wik.

Poto: Nicky Bernard:

Stanley Nondol i raitim

O'NEILL gavman bai wok klostu wantaim gavman na pipel bilong Atonomas Rijn (AROB) bilong Bogenvil i mekim ol wok aninit long Bogenvil pis agrimen sapatim ol long kisim ful atonomi na go long referendum.

Praim Minista Peter O'Neill i

tokim AROB presiden Sif John Momis wantaim ol edminisresen bilong AROB olsem gavman bilong em i strong long wok bung wantaim AROB gavman long mekim pis agrimen i karim kaikai.

Praim Minista i bung wantaim AROB presiden na wokman bilong em long Pot Mosbi long asde long soim olsem PNG gavman na AROB gavman bai wok klostu

long kisim ol developmen i go long Bogenvil na wok long givim ful atonomi long AROB long ol pipel i ken go inait long referendum.

AROB presiden John Momis i tok gavman bilong em wantaim ol pipel bilong Bogenvile i laik bai PNG gavman i wok bung long kisim Bogenvile i go long referendum long sampela yia bihain.

Mista Momis i tok nau em i taim

bilong mekim wok aninit long Bogenvil pis agrimen.

Em i tok ol politikel lida long Bogenvil na kantri i mas wok bung, mekim gutpela disisen na givim daireksen long ol bikman long opis bilong gavman long lukim pis agrimen i mas karim kaikai.

Moa stori long pes 2



DIRECT FLIGHTS RABAU TO CAIRNS!

With connections to and from Kavieng and Hoskins

OUR SCHEDULE

MON PX032 RAB-CNS 08:20 11:20

PX031 CNS-RAB 11:50 14:50

FRI PX032 RAB-CNS 08:10 11:10

PX031 CNS-RAB 12:30 15:30

Call Toll Free on **180 3444** or contact your nearest Air Niugini Travel Centre or Travel Agent for further details.



Air Niugini

www.airniugini.com.pg



Teksim Wari, Painim Pren, Wantok o Pas bilong yu I kam nau.. Digicel namba: 7235 6149

Dia Wantok Niuspepa, i nap ol staf wantaim edministresen tok klia olsem wanem olgeta boding mangi i atanim Mainohana Katolik Sekendari skul long Kairuku- Sentrel Provins bai i mas peim K1000 kes bipo long skul stat long namba wan tem. Gavman i givim oda olsem no ken sasim ol moa long K200, sampela ol mangi i nogat dispela kain mani long peim dispela fi. Tenk yu!!

09/01/2014

Dia Wantok Nius, mipela man-meri bilong Kagua Erave painim gutpela memba long kisim sevis i kam, nau memba bilong mipela James Lagea putim K100milien long wan wan hap insait long 10-pela yia. Plis Papa God makim gutpela lida long 2017.

Alex Peter – Wapi, Sumi -09/01/2014

Dia Wantok Niuspepa, mi Joe Ken laik painim wanpela poromeri long maritim na stap wantaim mi. Mi gat 32 krismas na mi tisa, sapos yu gat laik ringim mi long 7246 0796.

09/01/2014

Dia Wantok Niuspepa, mi Alex Papen bilong Enga na mi painim gal pren bilong mi Pauline bilong Hagen. Mitupela wantaim skul long Salamaua hai skul long Lae 2009, gret 10. Plis Pauline wenem hap yu stap, ringim mi long namba 7230 6990.

09/01/2014

Dia Wantok Niuspepa, mi mangi bilong Sentrel. Mi greduet long tisa kolis na bai mi go tis nau. Mi laikim maritim wanpela yangpela wok meri husat i stap insait long Pot Mosbi. Sapos yu gat laik orait yu ringim long namba 7327 7517

09/01/2014

Dia Wantok Niuspepa, mi Danny bilong Popondetta, mi gat 26 krismas na mi painim meri long prenim. Yu ken ringim meri long dispela namba 7109 2401. Tenkyu

10/01/2014



Somare givim K100,000 long Katolik Bisop Konprens

Sir Michael Somare, Gavana bilong Is Sepik i givim sek bilong K100,000 i go long Asbisop John Ribat, presiden bilong Katolik Bisop Konprens bilong PNG na Solomon Ailan, long dispela wik Tunde. Pater Victor Roche, jeneral seketeri bilong CBC na William Nindim wantaim Max Rai i bin stap tu long dispela bung. Dispela mani i bilong wokim nupela opis bilong CBC. Sir Michael i bin promis long givim dispela mani long CBC long Novemba 2012.

PNG gavman bai sapatim ol projek long Bogenvil

PRAIM Minista, Peter O'Neill i tok Papua Niugini gavman i mas givim sapat i go long ol bikpela projek long Bogenvil.

Taim em i toktok wantaim Presiden bilong Otonomos Rijn ov Bogenvil (AROB), Sif John Momis long dispela wik long Palamen, Praim Minista i tok em bai lukim olsem ol projek long Bogenvil i kisim sapat.

Long miting bilong tupela lida, tupela i toktok long Spesel Intevensen Fand (SIF), long strongim na sapatim ol projek, na tu, long raun bilong Praim Minista i go long Bogenvil long neks wik.

"Mi laik tokim ol lida na ol pipel bilong Bogenvil olsem Papua Niugini Gavman bai i sapatim ol projek long Bogenvil," Praim Minista

O'Neill i tok.

Ol dispela projek em Buka Ailan ring rot, Arawa haus sik, Aropa ples balus, ol rot long Buka Taun na rot long Kokopau i go long Buin.

Long makim maus bilong ol pipel bilong Bogenvil, Sif Momis i tok ol pipel i amamas long raun bilong Praim Minista i go long Bogenvil.

Long miting, Sif Momis i bin tok tok tu long ol unda peimen bilong restoren developmen aninit long Bogenvil Pis Agrimen.

Tupela lida i luksave long dispela, na ol bai toktok long ol edministresen husat i go pas long kamap wantaim ripot, long mekim isi long ol long stretim.



Praim Minista O' Neill na AROB Presiden John Momis i sekan.

PM sapatim AROB agrimen I kam long pes 1...

Praim Minista i bung wantaim AROB presiden na wokman bilong em long Pot Mosbi long asde long soim olsem PNG gavman na AROB gavman bai wok klostu long kisim ol developmen i go long Bogenvil na wok long givim ful atonomi long AROB long ol pipel i ken go inait long referendum.

AROB presiden John Momis i tok gavman bilong em wantaim ol pipel bilong Bogenvile i laik bai PNG gavman i wok bung long kisim Bogenvile i go long referendum long sampela yia bihain.

Mista Momis i tok nau em i taim bilong mekim wok aninit long Bogenvil pis agrimen. Em i tok ol politikel lida long Bogenvil na kantri i mas wok bung, mekim gutpela di-

sisen na givim daireksen long ol bikman long opis bilong gavman long lukim pis agrimen i mas karim kaikai.

Praim Minista i tok Bogenvil i kam bihain long developmen bikos ol lida i mekim planti asua tasol em i tok Bogenvil pis agrimen em wanpela gutpela agrimen na gavman bilong em bai givim sapat long AROB gavman na ol lida bilong Bogenvil long palamen long kirapim wok developmen long hap.

I gat agrimen wantaim Somare gavman olsem nesanel gavman bai givim K100 milien long wan wan yia long AROB.

Mista O'Neill i tok nesanel gavman i bihainim dispela agrimen na bai givim mani sapat na laikim

AROB gavman long yusim mani gut long developmen eria olsem helt, edukesen, na infrastraksa long ol pipel bai kisim sevis.

Sif bilong Bogenvil Jacob Toke i makim ol grasrut bilong pipel bliong AROB na singaut long Praim Minista O'Neill long wok klostu wantaim Mista Momis long givim ful atonomi na kisim Bogenvil i go long referendum.

Memba bilong Saut Bogenvil na minista bilong Bogenvil Afes, Steven Kama, i tok em i sapatim AROB gavman long kisim referendum. Em i tok bikpela samting em tupela gavman i mas wok bung long givim sevis long ol pipel.

Praim Minista Peter O'Neill i tok neks wik em bai i go long AROB

na bungim ol pipel na lida bilong AROB gavman long ol i ken toktok long ol rot nesanel gavman bai sapatim ol wok developmen long Bogenvil.

Praim Minista bai stap 3-pela de long AROB na bai go long lukluk raun long sampela ples long hap.

Dispela kibung i lukim planti minista bilong gavman, Ben Micah, Byron Chan, James Marape, Charles Abel, Rimbink Pato, Michael Malabag, Boka Kondra, na memba bilong Gumine Nick Kuman i kamap long dispela miting na witnessim .

Presiden Momis wantaim ol lain bilong em i givim wanpela pig na ol gaden kaikai long Mista O'Neill long soim rispek long tumbuna pasin.



Polis Ripot

NCD/Sentral: Wanpela man long Sentral provins i pretim pikinini meri bilong em na mekim pasin nogut long em. Dispela man i gat 32 krismas i pretim pikinini meri husat i gat 13 krismas long naip taim mama bilong em i no stap. Em i karim i go long wanpela

maunten na mekim pasin nogut. Dispela man i bilong ples Illau, long Tapini, Sentral provins. Polis i no holim man yet tasol wok painimaut i go het.

NCD : Long Nu Yia, wanpela man Teremanda long Enga provins, i spak na pulim wanpela meri long Morata 1. Em i karim i go long baret na mekim pasin nogut long em. Dispela hevi i bin kamap long 1 klok moning. Polis i no holim dispela man yet. Wok painimaut i go het.

NCD/Sentral: Foapela man i holim pasim wanpela meri Goilala na mekim pasin nogut long em long ples Boteka, Laloki. Dispela meri i bilong Guari lokal level gavman long Goilala long Sentral provins. Meri ya ii save long wanpela man. Dispela trabel i bin kamap long Desemba las yia. Polis i kisim wanpela man na nara-pela tripela i stap aut yet na wok painimaut i go het.

NCD/Sentral: Wanpela risev polimeri i putim ripot long nara-

pela polisman i traim long holim em insait long wanpela polis kar taim ol i laik go lusim em long haus bilong em long Pari.

Polis meri i savewok wantaim NCDK na helpim ol arapela wan-wok bilong em long Laloki rot blok long taim bilong Nu Yia. Bihain em i go long Bomana polis koles na dring wantaim ol polis long Dok Yunit.

Ol i laik go lusim em long Pari long wanpela kar 5 dua Toyota len Krusa we i no gat namba plat.

Taim ol i go long Pari rot, saspek i stap klostu long em i wok long holim em. Meri i askim em long no ken mekim olsem tasol man ya i wok long mekim yet. Em i belhat na paitim man.

Man i kirap na paitim em long pes, ai na het. Meri i kalap long kar taim kar i ran yet na kisim bagarap long bodi bilong em. Dispela trabel i bin kamap long Januəri dispela yia. Ripot i stap wantaim polis, tasol ol i no holim wanpela man. Tasol wok painimaut i go het.

Madang tisa kros long nogat pe-slip pepa

OL TISA long Madang provins i kros long Madang provinsal edukesen bod (PEB) bikos ol i no bin kisim kopi bilong ol pei-slip bilong ol long-pela taim tru.

Ol tisa i tokim *Wantok Niuspepa* olsem ol i nidim stret kopi blong pei-slip bilong ol long kisim dinau long Tisa Seving na Lon (TSL), Nambawan Supa na long ol benk long helpim ol long stretim skul na baim ol samting bilong pikinini bilong ol long go bek long skul. Tasol hevi bilong no gat pei-slip i givim ol taim stret.

Ol dispela lain tisa i bin go kamap long PEB opis long Jomba, tasol ol wok lain long hap i tokim ol stat long dispela mun yet i kam nau olsem "kompyuta sistem i daun" na ol i no inap printim ol kopi bilong ol pei-slip na givim ol.

Madang PEB salari opis i yusim nupela ALESCO sistem long redim pei na glasim wok ripot bilong ol tisa long provins yet.

Pastaim dispela i save kamap long Mosbi. Tasol hevi long Madang nau i lukim olsem ALESCO kompyuta sistem i no stat gut tumas na ol tisa i kisim taim stret.

Wanpela tisa i tokaut olsem planti ol tisa long Madang i no bin kisim ol pei slip bilong ol moa long 7-pela mun stat long mun Jun las ya 2013 i kam inap nau. Bihain long en sampela i wok long kisim tasol kopi bilong pei-slip tasol long ALESCO sistem.

Planti ol tisa husat i westim bikpela mani long baim PMV long go long taun i no amamas tru long kain pasin i kamap long ol.

Ol tisa i tokim *Wantok Niuspepa* long las wik olsem planti long ol i lain yusim kopi bilong pei-slip bilong ol long kisim dinau long Tisa Seving na Lon (TSL), POSF na tu long benk bikos ol lain fainens ogenaisesen ya i save askim long pei-slip, tasol PEB long Madang i no inap long printim aut kopi bilong pei-slip na givim ol tisa.

"Planti long mipela i laik kisim sampela mani helpim long stretim skul fi bilong ol pikinini bilong mipela na mekim arapela wok pastaim long skul i stat, tasol

mipela i painim hat nau bikos mipela i no kisim kopi bilong ol pei-slip blong mipela," wanpela tisa long rurel ples long Simbai, Midel Ramu i tok.

Hevi bilong nogat pe-slip i givim taim stret long ol tisa long kisim dinau moni long Tisa Seving lon, Nambawan Supa Fan na ol benk...

Sampela ol tisa i wok long go kam long Edukesen opis long Jomba stat long Mande, Januari 13 taim opis i op long kisim pei-slip bilong ol tasol ol i bam long hap na belhat nogut tru.

"Planti long mipela i tis long ol rurel skul i longwe tru long taun na mipela save kam long taun wan wan taim tasol long mekim ol edmin wok bilong mipela, na kain pasin i kamap i givim bikpela hevi stret long mipela,

"Mipela lusim planti mani long baim PMV long kam long taun na tu lusim mani gen long baim kaikai na slip wantaim ol wantok long taun na dispela em bikpela hevi long mipela, tasol Edukesen opis long Madang i no luksave long wanem kain hevi mipela i wok long bungim," tisa ya i tok.

Sampela long ol dispela tisa i tokim *Wantok Niuspepa* olsem sampela long ol i save wokabaut longpela rot na bihain kisim moto-bot na kam long ples bilong kisim PMV na kam long taun.

Tasol PEB long Madang i no luksave long dispela hevi na stretim ol samting long helpim ol tisa.



Fast Loan Approval

Flexible Repayment Terms

Competitive Interest Rate

TIME TO THINK ABOUT A BSP PERSONAL LOAN

Apply now at your nearest branch
 320 1212 / 7030 1212 - 24/7
 servicebsp@bsp.com.pg
 www.bsp.com.pg

BSP
 Official Sponsor of the 2015 Pacific Games

Miye bris bagarap givim hevi long Madang-Lae haiwe

James Kila i raitim

REN i wok long pundaun yet na i gat bikipela pret i stap nogut wara bai rausim gen seksen bilong Miye bris na givim hevi long pablik na bisnis long Madang provins.

Bikipela wara tait long las wiken i rausim hap seksen bilong Miye bris long Waput long Madang-Lae haiwe na i givim bikipela hevi tru long ol liklik kar na PMV, na tu ol bikipela kago kar i save karim saplai bilong ol bikipela bisnis long Madang.

Miye bris i bin bungim hevi long las yia mun Ogas bihain long wanpela bikipela kar i karim hevi masin i ran antap long bris na wanpela hap seksen bilong bris i bin pundaun. Dispela bagarap long bris i mekim ol kar na PMV bas i yusim

wanpela liklik han rot arere long bris we kampani Ramu NiCo i wokim long sotpela taim inap wok bilong stretim gen Miye bris i kamap. Ramu NiCo i givim sampela mani tu i go long Dipatmen ov Woks long helpim na stretim gen Miye bris.

Tasol long las wiken bihain long bikipela ren i pundaun antap long Finistia wara i tait na rausim rot wantaim ol paip we wara i bihainim na dispela i kamapim narapela bikipela hevi gen long rot. Planti ol lain manmeri na ol trenspot i kisim hatpela taim stret.

Ol bikipela bisnis long Madang husat i save kisim saplai bilong ol long Lae i kisim taim stret bikos wara i rausim hap seksen bilong rot na em i givim taim tru long ol long kisim kago bilong ol.

Bikipela maining kampani, Ramu



Ol kar na PMV i kisim taim long Miya bris hevi na stop long hapsait long rot i stap.

NiCo Menesmen (MCC) i bin helpim long givim sampela waia basket long pulumapim ston long strongim sait sait long bris. Kampani i givim tu wanpela bikipela 12-

fut kontena long ol wok lain long pulumapim ston na strongim faundes bilong bris.

Ramu NiCo em bikipela divelopa bilong nikel/kobalt maining projek

long Madang na em i save kisim planti ol saplai bilong em olsem fiul na ol arapela bikipela masin i kam long Lae bris long Morobe provins.

Ol tisa long Madang i wet yet

OL TISA long Madang provins i wok long wet yet na putim ai nating long notis bod bilong provinsal edukesen opis long ol posting o ples we ol bai go wok long en long dispela skul yia, 2014.

Ol lain long PEB long Madang i no putimaut nem bilong ol skul na posisen ol tisa bai go wok long en na klostu bai wok i stat. Nesenel Dipatmen bilong Edukesen to tok-save olsem olgeta tisa i mas stat wok long Mande 27 Januari.

Planti ol tisa long Madang i wok

long go kam long Madang PEB opis stat long Mande, Januari 13 i kam inap nau tasol ol i no kisim gutpela toksave yet.

"Mipela wok long westim mani long baim PMV long go kam long sekim lista o posting bilong mipela bilong 2014, tasol mipela i no kisim gutpela toksave na mipela i no amamasa long PEB." Wanpela tisa bilong Simbai long Midel Ramu distrik i tok.

Planti tisa i save go sindaun stat long moning yet i go belo long tok-

tok wantaim ol edukesen opisa long Jomba, tasol planti taim ol dua bilong ol opis i save pas na ol opisa i no save stap stat long Januari 8 taim ol pablik sevan i stat wok i kam inap long dispela wik Mande, Januari 20.

Long Tunde ol tisa i bin mekim bikipela tok kros wantaim wanpela senia edukesen edvaisa long Madang, John Ura na autim bel-hevi bilong ol.

Wanpela tisa bilong Simbai i tok, em i save wokabout longpela rot na

bihain kisim moto kanu bihainim Ramu riva i go antap long Banu na kisim PMV na go long Madang taun long sekim posting bilong em. Em, i no amamas long dispela pasin bilong Madang.

Sampela tisa i tok ol i mas redim ol samting bilong ol long wanem skul PEB makim long ol long go wok long en long dispela yia, tasol taim i wok long sot nau na Mande, Januari 27 i kamap nau.

"Mipela glasim olsem PEB opis long Madang i slek tumas, na moa-

beta Seketeri bilong Edukesen, Michael Tapo i mekim wok painimaut i long wok bilong PEB long Madang," ol tisa i tok.

Wanpela tisa i tok tu olsem Edukesen opis long Madang i no luk olsem opis.

Em i tok i gat planti dua na samting long opis i bagarap nabaut na dispela i soim olsem ol lain PEB long Madang na edukesen dipatmen i no mekim gut wok bilong ol.

Tropic Air i krungutim Tol ples balus

Michael Novingu i raitim

TROPIC Air balus i mekim namba wan ron i go long Tol ples balus insait long Sinivit LLG long Pomio distrik long Is Nu Briten.

Bihain long 25 krismas balus in bin pundaun long hap las wik.

Em i namba wan taim gen long karim ol pasindia na ol arapela kago long Kokopo na ol arapela hap long Is Nu Briten.

Namba wan ples balus long Tropic Air long pundaun long em bihain long 25 krismas em Jekonot Be long Pomio distrik, Biala, Uvola, na Kimbe.

Memba bilong Pomio, Paul Tiensten wantaim ol arapela big manmeri long Pomio i bin stap long Tol ples balus long tok welkam long Tropic Air i pundaun.

Mista Tiensten i tokim samting olsem 1,000 manmeri husat i kam bung long Tol ples balus long wokbung wantaim kampani na larim graun bilong ol long yusim long kisim sevis i go long manmeri bilong Pomio distrik.

Em i tok ol manmeri bilong Pomio i krai long sevis i no kam long ol, tasol nau balus i pundaun. Dispela i min olsem sevis i kam pinis.

Mista Tiensten i tok Pomio distrik i no kisim gavman sevis.

Em i tokim ol manmeri bilong Pomio long wokbung wantaim gavman na ol divelopa i kam insait long distrik na ol bai kisim sevis long helpim sindaun bilong ol.

Em i tok no ken pasin graun long gavman na ol kamapani i laik kam wok bisnis. "Larim o i yusim graun long kirapim wok divelopmen na bai kirapim gutpela sindaun bilong manmeri long ol komyuniti bilong yupela," Mista Tiensten i tok.

Mosbi bai i kisim bikipela suris sistem long Pasifik

Stanley Nondol i raitim

JAPANESE International Cooperation Agency (JICA) bai givim mani long apgredim suris sistem long Pot Mosbi. Long taim olgeta wok i pinis, na dispela suris sistem bai bikipela tru insait long Pasifik.

Independen Pablik Bisinis Kopresen (IPBC) i go pas long dispela projek i tok ol wok long dispela projek i stat pinis.

Gavman bilong Japani i givim mani long apgredim kostal suris eria long Mosbi siti. Konstraksen wok bai stat long Baruni i go long Ela Bis na go long Kilakila we ol bai wokim wanpela suris plent sait bilong dispela projek.

Dispela projek bai ol i wokim long intenesenel mak na bai ol i skruim i go bikipela long bihain taim. Em bai wanpela bikipela suris sistem long Saut Pasifik na Eda Ranu bai opereta na manesa bilong ol wok.

IPBC, Eda Ranu, na JICA i wanbel na tokim Praim Minista Peter



Praim Minista Peter O'Neill i bungim lapun mama, Noga Rabura 80 krismas bilong Vaga klen long ples Kirakira long sentral provins bihain long lonsing bilong suris projek. Poto: Nicky Bernard

O'Neill olsem dispela projek bai pinis bipo long bikipela miting bilong 2018 APEC i kamap long Pot Mosbi.

IPBC bai putim wanpela konsalten bilong Japan long go pas long lukautim ol wok bilong projek na bai putim long tenda long makim konstraksen kamapani

olsem bai ol wok i ken stat kwik long 2014.

JICA i go pas long givim bikipela helpim long stopim ol pipia na rabis wara bilong suris long go long solwara. Dispela bai helpim tu long daunim ol kain kain sik i save kamap long taim wara nogut wantaim ol pipia i go long

solwara.

Praim Minista Peter O'Neill i tok dispela projek i kisim moa long 20 krismas. Em i tok tenkyu long gavman bilong Japan long helpim wantaim bikipela mani.

Mista O'Neill i tok em i les long holim bek ol bikipela projek. Em i tok taim bikipela projek i no

kamap hariap, ol pipel bai i no inap kisim gutpela sevis.

Mista O'Neill i tok gavman bilong em i redi long helpim na skruim dispela projek i go bikipela long Pot Mosbi na long arapela provins.

NO gat gavman long not Baining long Gesel distrik Is Nu Briten

Michael Novingu i raitim

Olpela LLG presiden long Not Baining na deputi gavana, James Tapele i Singaut i go long Is Nu Briten provinsal gavman long luksave long ol Baining na givim ol sans long kirapim wok bisnis long taim rot long Is iu Briten haiwe i op.

Tapele i tok gavman i wok long toktok planti long brukim na kirapim arapela ilektoret bilong ol Baining manmeri i mas karim kaikai.

Em i tok sapos ol i gat ilektoret bilong ol, bai gavman sevis i kam long ol.

Em i tok nau yet no gat gavman sevis i kam long ol na ol i stap tarangu yet.



Praim Minista Peter O'Neill i brukim graun long Kilakila long makim lonsing bilong bikpela suris projek long Saut Pasifik.

Kot i no bilong kalabusim man tasol

Kolopu Waima i raitim

KOT i no bilong kalabusim ol man, tasol long stretim ol long stap gutpela man na meri long komyuniti.

Waigani Komital Kot Majistret Pison Pindipia i mekim dispela toktok taim wanpela man i no kam long kot long faipela taim olgeta.

Polis i bin kisim em long sampela rong em i

bin mekim las yia, na askim em long kam long kot tasol em i bin go long ples bilong en na i no kam long kot.

Em i tok sori long kot long em i no bin kam long ol dispela taim.

Tasol Majistret Pindipia i askim em long wanem em i no kam. Em i tok meri bilong em i dai na, em i gat sikispela pikinini we i nogat wanpela man bai lukautim ol.

Em i laik go het na laik givim ol narapela eskus tasol Majistret i stapim em na i tok, "yu save pinis olsem ol polis i kisim yu na kot bilong yu i rejista pinis long kot."

Majistreti tok, kot i no marimari long dispela nai askim polis prosekuta long kisim info-man i kam long kot.

Em i tok, planti man i save ting olsem kot em ples we ol man i go kot

na ol bai go kalabusim tasol. Em i tok dispela i no tru. Kot em i ples we, em bai skulim yu long bihainim gut lo na ol rul i stap pinis long en. Noken traim long abrusim taim bilong kot na i no kam long kot. "Kam harim ol sas bilong yu na bihain taim yu bai no inap long mekim ol dispela samting gen." em i tok.

Olpela fainens Seketeri i kamap long kot

Kolopu Waima i raitim

OLPELA Seketeri bilong Fainens, Steven Gibson i kamap long Waigani Komital Kot.

Mista Gibson, em bilong ples Nihon long Lorangau, Manus provins.

Stet prosekuta i bin tok Mista Gibson i gat 9-pela sas long taim Majistret Pison Pindipia i

askim em.

Majistret Pindipia itok klia long Mista Gibson, husat i kam stap long kot, ol sistem bilong komital kot. Em i tok wok bilong komital kot em bilong glasim ol evidens stet prosekuta bai givim. Em i tok komital kot i em i no bilong tok man i asua o i no asua. Sapos komital kot i

panimaut olsem i gat planti evidens stap, em bai salim i go long Nesenel Kot.

Majistret Pindipia i tok 9-pela sas em i planti tumas na i mas gat moa taim long bungim ol infomesen na ol witnes tu.

Em i tokim prosekuta na loya bilong Mista Gibson long kam bek long kot.

Majistret i tokim Mista Gibson, ol oda kot i bin givim i stap yet na em i ken stap aninit long ol dispela oda. Yu i no ken intafia long ol samting, stap aninit long oda we kot i bin givim yu," Majistret Pindipia i tok.

Mista Gibson i bin kam aut long polis beilong K1, 000. Kot bai kamap gen long April 24.

Saina man kamap long kot

Kolopu Waima i raitim

Dispela Saina i no save gut long tok Inglis o Tok Pisin tasol narapela Saina i helpim em long tanim tok long kot.

Majistret Pison Pindipia bipo long em i surukim de bilong harim dispela kot, i tok, em i gat konstitusenal rait long wanpela man i helpim em long tanim tok. Na kwik taim loya bilong em i kisim nara-

pela Saina long tanim tok. Loya tu i tok, em bai toktok long Tok Pisin long kot tasol man i no save gut long Tok Pisin.

Majistret Pindipia i ritim sas bilong em na askim em long no ken bekim tok inap long narapela de taim em i kamap gen long kot.

Kot bai kamap gen long 24 Epril.

Wanpela Saina man husat i laik kilim narapela wantok bilong em i sanap long Waigani komitol kot.

Polis i sasim em long traim long kilim narapela Saina long Mosbi. Dispela hevi i bin kamap long Manu Autopot long Mosbi, las yia.

Polismeri putim ripot long polisman

Kolopu Waima i raitim

Wanpela risev polis meri i putim ripot long narapela polisman i traim long holim em insait long wanpela polis kar taim ol i laik go lusim em long haus bilong em long Pari.

Polis meri i save wok wantaim NCDC na helpim ol arapela wanwok bilong em long Laloki rot blok long taim bilong Nu Yia. Bihain em i go long Bomana polis koles na dring wantaim ol polis long Dok Yunit.

Ripot i kam long Opis bilong Deputi Komisina ov Polis Operesen i tok ol polis i laik go lusim em long Pari long wanpela kar 5 dua Toyota lenKrusa we i no gat namba plat. Ripot i tok taim ol i go

long Pari rot, saspek i stap klostu long em i wok long holim em.

Meri i askim em long no ken mekim olsem tasol man ya i wok long mekim yet. Em i belhat na paitim man. Man i kirap na paitim em long pes, ai na het.

Meri i kalap long kar taim kar i ran yet na kisim bagarap long bodi bilong em.

Dispela trabel i bin kamap long Januери dispela yia. Ripot i stap wantaim polis, tasol ol i no holim wanpela man. Wok painimaut i go het.

Polis ripot yet, wanpela man long Sentral provins i pretim pikinini meri bilong em na mekim pasin nogut long em.

Dispela man i gat 32 krismas i pretim pikinini

meri husat i gat 13 krisstap long naip taim mama bilong em i no stap. Em i karim i go long wanpela maunten na mekim pasin nogut.

Dispela man i bilong ples Illau, long Tapini, Sentral provins. Polis i no holim man yet tasol wok painimaut i go het.

Long Sentral provins, ol ples lain long Saroakeina, long Rigo i pulapim wanpela bikpela kar na go long Kwikila polis stesen na laik paitim ol polisman. As tingting bilong en i no klia tasol ol polis i lokim get na ol i kam bek.

Dispela trabel i bin kamap long namba 3 de bilong mun Januери 2014. Ol polis bilong Sentral i mekim wok painimaut yet.



CATHOLIC BISHOPS CONFERENCE OF PAPUA NEW GUINEA AND SOLOMON ISLANDS

Projects Officer Wanted

- The Secretariat of the Catholic Bishops Conference of PNG and SI houses various offices to support the work of the Catholic Church in PNG/SI.
- It is currently looking for a Projects Officer to assist the CBC in Church Institutional Strengthening Program (CISP) of the Church Partnership Program (CPP) and other projects of the CBC.

Requirements:

- At least Bachelors' degree in a related field with five years' experience in related Job.
- Sufficient Computer Knowledge.
- Mature, good communication and interpersonal skills, Male or Female 25—40 years old.
- Able to work in a team environment
- Hard working, professional and enthusiastic.
- Honest, professional and an outgoing personality.
- Having a valid driving license is an added advantage.
- Understanding of, and respect for, the beliefs, values, and structures of the Catholic Church.

Please send the latest CV and one passport size photo to the following address:

**General Secretary, Catholic Bishops Conference,
Gotwit Street, Gordons,
P.O.Box 398, Waigani, NCD131,
Ph: 325 9577,325 9532. Fax: 323 2551.**

**Email:cbcgensec@catholic.org.pg
Applications close at 4.30 pm, Monday, 3rd Feb.2014**

UNICEF i tok no ken salim ol pikinini

UNICEF opis long PNG i tok strong long ol pipel i no ken kisim na salim ol pikinini o narapela man o meri olsem samting nating.

Man i makim UNICEF long kantri, Baba Danbappa, i mekim dispela toktok bihain long stori i bin kamap long niuspepa olsem sampela lain long Jiwaka Provins i givim tupela pikinini meri i go long ol birua olsem samting bilong mekim bel kol na bringim bel isi. Tupela yanpela meri, krismas bilong tupela 13 na 15 yia tasol.

“Dispela kain pasin em i pasin nogut tru long bagarapim ol pikinini, na i sakim ol lo bilong Yunaitet Nesens Konvensen bilong Rait bilong ol Pikinini (CRC) long lukautim na rispekim ol pikinini. Dispela kain pasin i no ken kamap insait long

wol,” em i tok.

“Mipela laik gavman i mas mekim samting hariap. Olgeta pikinini i gat rait long stap na gro long stretpela pasin. Olgeta i gat rait long stap insait long banis we no gat birua i kisim ol.

Wok bilong UNICEF em long lukautim olgeta pikinini long ol hap we em i wok long en na mipela i gat bikpela belhevi tru long taim dispela stori i kamap. Mipela i mas kamapim ol ples we i gat banis long karamapim na lukautim ol pikinini long ol longbirua i no ken bagarapim ol. Em i wok bilong gavman na olgeta memba long sosaiti long mekim dispela,” Mista Danbappa i tok.

Gavman bilong Papua Niugini i bin sainim nem long CRC long 1993 na bihain em i tokaut tok orait

long dispela intenesenal triti o kontrak namel long olgeta Yunaitet Nesens kantri na i tokaut long pablik olsem em bai bihainim ol 54 lo bilong Konvensen i karamapim ol pikinini long PNG.

Wanpela kona ston bilong ol CRC em dispela tok olsem, ‘em bai mekim olgeta samting long lukautim ol pikinini, na i no inap bai daunim wanpela.

Bikpela luksave long ol pikinini i mas kamap bikpela olgeta. Wanem kain pasin i bagarapim ol pikinini na rausim rait bilong ol olsem pikinini em i no lukautim, banisim na helpim ol long stap laip sapos ol man i no harim ol em ol i brukim lo bilong dispela intenesenal kontrak.

Mista Danbappa i tok strong gen olsem em i wok bilong gavman long lukautim ol pikinini na banisim

ol long ol kain pasin nogut olsem. UNICEF i save sapatim gavman long mekim ol narapela wok, na tu long lukluk gen na senisim ol lo na polisi wantaim ‘Lukautim Pikinini Act (LPA) 2009’ na ol narapela lo i go wantaim.

Ol i bin lukluk gen na stretim LPA, long strongim ol rot bilong lukautim gut ol pikinini. Em i nidim edministresen na politik long tok orait long dispela lo gen namba tu taim long palamen.

“Ol pikinini meri em ol man tu. Ol i gat save, tasol ol i gat moa birua long laip bilong ol bikos ol i meri na krismas bilong ol na sais bilong ol i liklik na ol i no save gat strong long toktok long helpim o lukautim ol yet.

Strongpela tok i go long Palamen long hariap na tok orait long nupela

‘Lukautim Pikinini Act 2009’ long em i ken stat long wok nau.

Ol lain i nidim LPA i laikim em i mas pinis hariap tasol na ol lain atoriti bai i stat long yusim,” Mista Danbappa i tok.

Mista Danbappa i tok lukautim olsem, “Ol man i mekim pasin nogut long ol pikinini, em i ken bagarapim wanpela pikinini long laip taim bilong em. Tasol planti taim ol gavman na pablik i no save tokaut long hevi wan wan pikinini i save kisim.

Em i ken bagarapim tu sosol na ikonomik developmen bilong sosaiti. Pikinini i ken bagarap sapos em i no stap long skul, o i no gat gutpela helt na ol i bagarapim bodi na tingting bilong em. Dispela pasin i save stilim sans bilong ol long kamap gutpela lain.”

Gavman tok orait long senisim viles kot Lo

Gavman i tok orait long Viles Kot Amendmen Bill long taim Palamen i bung gen long dispela yia.

Praim Minista Peter O'Neill i tok gavman i tok orait longmekim senis long VilesKot (Amendmen) Bil 2013.

Em i tok Viles Kot sistem we i sanap long Sekesen 172 bilong nesenel konstitusen taim bilong

kisim independense long 1975.

“Dispela sistem i bin wok insait long PNG aninit long Viles Kot Ekt i kam kamap 1989 taim taim namba wan senis long olupelalo i bin kamap.

Ol poin daunbilo em ol astingt-ing bilong dispela senis;

- Bai mekim ol senis i kamap nau long Viles Kot Ekt 1989

long ol senis, konflik na ol isu long viles na bilong ol settlemen we pipel i wok long kam insait long ol taun na siti wantaim ol pasin kalsa bilong ol;


- Bai strongim wok bilong viles kot long lukautim rait bilong ol meri na pikinini na adresim vailens long ol komyuniti;

- klarim olsem viles kot bai bihainim konstitusen long lukautim rait bilong ol pipel husat i go kot;

- Putim mak long namba bilong ol viles kot opisal long wan wan viles kot long menesim nana makim gut long we bilong makim na movim ol opisal na;

- Strongim wok bilong Distrik kot long Lukautim wok bilong Viles Kot long apilnariviu.

Praim Minista i tok Viles Kot i save mekim bikpela wok long lo na oda isu insait long taun na siti na long ol ples we planti manmeri i save stap.



PNG POWER Ltd

PNG PAWA I PUTIM MOA PAWA LAIN LONG POPONDETTA


PNG Pawa (PPL) nau i laik pulim moa pawa lain long Popondetta taun i go long Girua ples balus na em bai kisim tu ol ples i stap long haiwe rot i no bin gat pawa long planti yia.



Aninit long rurel iletrifikesen program bilong em, PNG Pawa i sanapim pinis 10-pela bikpela pos bilong karim ol pawa lain long taun na i go long Hegata rot bung na i kisim wanpela Kilomita pinis. Ol lainsmen bilong PPL bai i planim yet ol pos long dispela mun na bai i kisim narapela 3.7 kilomita long Jonita, Damahu na Ijika.

Taim ol pawa lain i go antap na i kisim pawa, ol senta olsem Jegarata Elementri Skul, Juvenile Ditension na Rihabilitesen Senta, Anglican Tisa Koles, Newton Theological Koles na Ijika Praimeri Skul i stap insait long namba wan 5-pela kilomita rot bai i kisim pawa saplai.

Dispela rurel ilektrifikesen projek i stat long Januəri 2013 na PPL bai surukim moa pawa saplai inap 20 kilomita long Popondetta taun i go long Girua ples balus na i go narapela 3 kilomita moa. Namba wan 5 kilomita em i namba wan mak bilong dispela rurel ilektrifikesen projek we nesenel gavman i putim K850,000.000 long kirapim.

Namba tu mak em 15 kilomita long Ijika i go long Girua na em bai i kirap bihain tasol long namba wan mak i pinis na taim i gat long wokim. Ol mani bilong Distrik Sevis Impruvmen Fan long ol lokal Memba bilong Palamen bai i kam long kirapim dispela.



Poto: Ol bikpela pos bilong pawa i kirap pinis namel long Popondetta Taun na Hegata janksen long bikpela haiwe.

Gavman i strongim wok bung wantaim sios

Eric Sinebare i raitim

Gavman bai lukluk long sapotim planti wok bilong sios insait long kantri. Praim Minista Peter O'Neill i mekim dispela toktok long 29 Sinod bilong ELCPNG long Karkar Ailan.

Praim Minista i tok amamas long dispela 2014 sinod i kamap long Karkar. Em i tok, gavman i luksave na amamas long dispela bung.

Wankain taim, sios i kamapim program long wok bung namel long sios na gavman long kamapim gutpela luksave na plen, wanem kain wok bai kamap insait long sios, we i ken strongim wok i go yet na strongim wok bilong autim tok bilong God.

Gavman i givim K500,00 i go long sinod na bai givim sapot yet long taim sinod i pinis.

Sampela wok ples na wok i kam i pinis long sotpela taim gavman i long ranim kantri, we i soim sampela hevi bilong sios insait long edukesen na helt. Gavman i kamapim fri edukesen polisi na fri fi helt

sevisse program long stretim sampela bilong ol dispela hevi.

Mista O'Neill i tok i gat ol arapela bikpela wok gavman i laik mekim long developim kantri na sios i mas stap klostu long givim sapot na

beten long dispela kantri. Em i tok, planti wok bilong gavman, em planti manmeri i ting bai i no inap kam i tasol ol i kamap stat long Januari 2012 i kam inap nau.

Praim Minista i tok tu olsem gavman i putim planti mani i

go insait long ol LLG, distrik na provins.

Na em i tok, sios i mas wok bung wantaim ol memba na gavman long ples na kisim mani long mekim ol wok bilong sios long kamapim gutpela senis insait long sios na kantri.



TENKYU: Ol Karkar i mekim pasin bilong tok tenkyu na gutbai long Bisop bilong Australia Luteran sios na meri bilong em long Mande nait. Siaman bilong sinod ogenaising komiti, Benard Kaisom na meri bilong em, Luouis Kaisom i givim tok amamas presen. **Poto: Eric Sinebare**

Karkar i lukautim Sinod bilong ELCPNG

Paulus Tali i raitim

KLOSTU moa long 2,000 bilip manmeri bilong Luteran Sios long PNG i bin bung long namba 29 Luteran Sios sinod long Karkar Ailan, Madang Provins.

Dispela bikpela bung bilong sios i bin kamap long wanpela wik, long 12 i go inap 17 Januari.

Bung ya i bin toktok long planti bikpela hevi na wok developmen insait long Luteran Sios long PNG.

Praim Minista Peter O'Neill wantaim memba Tewai/Siassi Mao Zeming, Spika bilong Palamen Theo Zurenuoc, memba bilong Nawaeb Gisuwat Siniwin, memba bilong Sinasina/Yongumul na Atoni Jeneral Kerenga Kua, memba bilong

Henganofi Ron Ganarofa na gavana bilong Morobe Kelly Naru i bin stap tu long sinod.

Bisop bilong Luteran Australia, John Henderson wantaim meri bilong em tu i kamap long sinod. Em i tok Australia bai givim sapot long strongim wok bilong Luteran sios insait long kantri.

Praim Minista Peter O'Neill i mekim bikpela toktok long gavaman bilong em long sapotim wok bilong sios long bringim developmen i kam insait long kantri.

Spika bilong Palamen, Theo Zurenuoc tu i toktok strong long kamapim wanpela palamen bilong sios insait long Finsafen long holim olgeta bung bilong sinod long olgeta yia.

Mani bilong holim sinod i wok long surik i go antap moa yet olsem na sios i mas tingting long wokim wanpela senta we sinod bai kamap long olgeta yia.

Ol Kristen i no wari na mekim ailan tasol ol i yusim taim na mani bilong ol long kamp long kamapim dispela 29 sinod. Na long wankain taim, ol Kristen bilong Karkar long 6-pela seket i givim taim na wok strong long redi na lukim olsem olgeta samting i ran gut.

Long narapela gutpela stori, Luteran Shipping i helpim long bringim ol deleget long Madang i go long Karkar Ailan. Sip i karim tu kosta bas i go long ailan. Bas i ran long olgeta hap bilong ailan na kisim ol deleget. Ol pipel long ailan i amamas na singaut tok tenkyu long ELCPNG i kam wantaim senis we bas i ran long ailan.

Siaman bilong sinod, Bernard Kaisom i tok ol Kristen i kam long olgeta hap bilong PNG na ol lain olsem Wes Papua, na Bisop David Piso bilong Gut Nius Luteran Sios long Wabag.



Pasin bilong senis

I no longtaim i go pinis, yumi bin selebretim bikpela pestode bilong Krismas long tingim de mama Maria i bin karim Bikpela bilong yumi Jisas.

Dispela amamas yumi bin selebretim em i bilong givim ona na biknem i go long God Papa long salim wanpela pikinini bilong em tasol long sevim yumi.

Tru, planti long yumi luksave Krismas em de bilong Jisas i bon insait long hat bilong yumi stret. Em tasol mekim yumi spesel na yumi save Krismas em taim bilong bung wantaim, em taim bilong bel isi olsem mama i karim Jisas long bringim bel isi i kam long dispela wol.

Krismas em taim bilong laikim na taim bilong pogivim asua yumi mekim o arapela i mekim long yumi.

Antap long olgeta samting, yumi mekim tok tenkyu em bikpela stret. Em taim bilong tenkyu long wanem, God i laik tru yumi na em i givim Jisas olsem presen bilong yumi.

Yumi i no hat wok long en na God i givim yumi, nogat! Yumi bin stap insait long banis kalabus stret na long bel sori bilong God, em i givim yumi Jisas long brukim dispela banis na larim i stap fri aninit long pawa na strong bilong em.

Tru, long dispela liklik taim yumi kisim Krismas malolo tu em i givim yumi long tingting na mekim wanem ol samting long dispela nupela yia 2014. Nu yia yumi nu pipel.

Olpela bilip, pasin wok na we bilong pasin nogut i pinis long las yia na nau yumi wok wantaim nupela blut long mekim famili i mas senisim laip bilong yumi wan wan i mas senis, komyuniti i mas senis, gavman i mas senis na PNG tu bai senis.

Hatwok bilong yumi tasol olgeta samting bai senis. Wankain olsem Gavana Powes Parkop i mekim long kapitel siti bilong yumi.

Em nau yumi olgeta i mas wok bung wantaim long senisim kapitel siti bilong yumi. Olsem na yumi Kristen manmeri i mas amamas na selebretim Krismas long olgeta de.

Olgeta de i mas i gat pasin bel isi, olgeta de i mas i gat laik pasin na fogivnes i mas stap. Olgeta de i mas i gat pasin bung na luksave long arapela manmeri i mas i stap.

Krismas em bilong yumi long wanem Jisas i save kam long yumi olgeta seken, minit, awa, de, mun na yia.

Em nau yumi gutpela manmeri bilong God, dispela yia 2014 em na ol arapela yia i kam yet, yumi mas klinim olpela pipia i pulap insait long siti bilong God na soim olsem yumi manmeri bilong God stret.

Tru tumas, long dispela rot long senisim pasin long yumi yet bai yumi lukim PNG bai senis.



Ol naispela mama bilong Bagia seket i amamas tru long haus kuk na lukautim ol delegate bilong Jiwaka, Is Simbu, na Madang district.

Ol Malolo Sande skul pikinini kaikai long Visen Siti

Veronica Hatutasi i raitim

SAMPELA Sande skul pikinini bilong Malolo Estet 9 Mail Metodis Sios i bin amamas long gat gutpela sans long kaikai long restron o ples bilong kaikai insait long Visen Siti, Pot Mosbi.

Faipela pikinini i gat long en tripela manki na tupela pikinini meri i bin kaikai lans long Yelo Kepten Pitsa restron wantaim tupela Sande skul tisa bilong ol em Ivy na Rachael, sios elda Frank Tsay na pasto bilong ol.

Plantu ol arapela poroman bilong ol i stap yet long Krismas skul malolo na sampela bilong kantri Saina na Malesia i go bek long ples long selebretim Saina Nu Yia, olsem na liklik lain tasol i stap long dispela Sande Skul kaikai.

Mista Tsay i tok planti taim i no gat gutpela luksave i stap namel long ol pipel bilong ol arapela narapela kantri na i gutpela long ol kain samting olsem long soim laik pasin na luksave.

Malolo Estet 9 Mail Metodis Sios i gat ol sios

memba bilong Malesia, Taiwan, ol Malesia Saina na Saina, na tu, sampela bilong PNG yet.

Plantu ol sios memba i wok long RH Kampani, na kampani ya i bin sanapim nupela haus lotu long las yia we ol sios memba i lotu long en.

Ol pikinini i go long Sande skul i gat krismas namel long 5 na 14 yia.

Wanpela long ol Sande skul tisa, Ivy, i stap long PNG long 4-pela krismas. Em i wok wantaim RH Hypermart long Gordons.

Em i tok ol i save lainim ol pikinini long ol Baibel

stori, ol singsing, ol henkraf, ol singsing bilong ol spesel pestode na singsing long stej, singsing na lotu long givim biknem i go long Bikpela, kala na ol gutpela Kristen pasin.

Mis Ivy i tok i gat 8-pela Sande skul tisa, na long wan wan Sande, tupela tisa i save kisim ol sumatin.

Em i tok em i amamas long mekim wok olsem Sande skul tisa bikos em i laik lainim ol pikinini long Tok bilong Bikpela na taim ol i bikpela, ol bai bihainim stretpela pasin na mekim ol samting gut we Bikpela i givim stia.



Go bek long skul wantaim BSP Dinau mani

Wok bilong redim ol pikinini long i go bek long skul em i wangepela hetpen wok, stat long pikinini i stap long kindagaten i go long yunivesiti.

BSP i luksave long dispela hevi, na em i laik helpim yu long karim dispela hevi na bai yu ken salim ol pikinini bilong yu i go bek long skul long taim skul i stat.

Wangepela BSP Dinau mani i ken helpim yu long kisim olgeta samting long yu redi hariap. Em i ken helpim yu long baim projek fi na tu long baim ol steseneri, teks buk,

yunifom, boding fi na ol balus tiket. Ol pikinini i nidim laptop long helpim ol long skul bilong ol o mobail fon long toktok i go i kam sapos ol bai lusim ples na i go long narapela hap.

Wangepela BSP Dinau mani i ken helpim yu long wokim wangepela liklik kaikai long amamas wantaim olgeta lain pastaim long nupela skul yia i kirap.

Sapos yu wari na painim rot i stap, tingim BSP. Yu ken putim bilip bilong yu long kisim wangepela BSP dinau mani.

Save moa long BSP Dinau Mani

BSP Dinau em i isi ansa long mani yu nidim long sot-pela taim na yu ken bekim long wan wan wik, potnait o long mun. Dinau mani long BSP em i no gat tambu na yu ken yusim mani long mekim wanem kain samting bilong redim ol pikinini i go bek long skul.

Ol lain i wok wantaim ol pablik, praiwet o gavman institusen na i wok pinis winim wan yia, i ken isi long kisim dinau. Na sapos yu gat wok bilong yu yet na yu i gat mani

olgeta taim na inap long bekim dinau, em yu ken kam toktok long ol wokman bilong dinau mani bilong BSP long brens bilong yu. BSP Dinau i save redi hariap na i no gat bikpela intres o profit mani.

Bai yu aplai olsem wanem?

Sapos yu laik kisim dinau, em bai pulimapim wangepela Aplikesen Fom bilong Dinau i stap long wangepela BSP Brens klostu long yu, na tu yu ken kisim long internet websait: www.bsp.com.pg. Yu mas putim ol arapela pepa bilong yu i kam wantaim aplikesen pepa. Ol pepa olsem:

1. Tripela pe slip
2. Pas i kam long kampani bilong yu
3. ID Kat bilong yu long Supaenuesen o las stetmen bilong yu long benk.
4. Wangepela pote ID olsem paspot o draiva laisens.

Em i wangepela isi wok Wok bilong askim long dinau. Em i no nidim sampela moa mani o samting long strongim aplikesen, tasol em bai askim long stori bilong yu save kisim mani olsem wanem na wanem ol narapela dinau

yu gat long arapela benk na bai yu bekim olgeta olsem wanem.

Sumatin Akaun

Yu mas helpim ol pikinini bilong yu long lainim pasin bilong lukautim mani bilong ol yet.

BSP i save givim Sumatin Akaun, bilong ol pikinini husat bai lusim papamama i go skul longwe na stap longpela taim.

Sumatin Akaun em i bilong ol sumatin long kisim mani na baim wanem samting ol i laikim long wan wan de wantaim Sumatin Kat bilong ol.

Dispela akaun em ol i kolim "baim na yu go" transekse akaun.

Em i mekim isi tru na i gutpela long ol sumatin bikos ol i no inap baim fi bilong olgeta mun o holim akaun fi.

Sumatin Akaun em gutpela moa na i kamap isi long yusim wantaim Sumatin Kat, Mobail na internet Benk.

Sapos yu laik save moa long kisim BSP Dinau Mani o opim Sumatin Akaun, yu ring long BSP Kastoma Sevis Senta (24/7) long telepon 320 1212 o Digicel namba 70301212.

Na yu ken i go insait long internet na lukluk long websait bilong BSP long www.bsp.com.pg.

Spesol

TIME TO THINK ABOUT A BSP PERSONAL LOAN

- Apply now at your nearest branch
- 320 1212 / 7030 1212 - 24/7
- servicebsp@bsp.com.pg
- www.bsp.com.pg



UPNG na USA bai wok bung

Kolopu Waima i raitim

OL SUMATIN husat i laik go skul long Amerika i ken go long Yunivesiti bilong Papua Niuginina sekim long EdukesenUSA infomesen Senta.

Yunaitet StatEmbasi long Mosbi i sainim wangepela Memorandum ov Andastending (MoU) wantaim Yunivesiti bilong Papua Niugini (UPNG) long putim wangepela infomesen senta we ol sumatin na ol pablik tuiken go na kisim infomesen long go skul long Amerika.

Dispela tok orait i bin kamap long wik i go pinis. Profesa SubaRao bilong UPNG naRejistraJennifer Popati makim UPNG na Natalia Capel na Rosie Edmondi makim US Embasi, ol i sainim tok orait.

Misis Capel i tok EdukesenUSAEdvaising Senta i sapotim moa long 450 netwok long ovasis edukesen edvaising

Senta, long wol na i givim infomesen long ol skul long Amerika.

Em i tok dispela senta bai givim ol infomesen olsem ol referens, i gat ol komputa stap we ol bai yusim intanet long kisim moa save na kisim moa infomesen long ol skul stap long Amerika na wanem ol kos ol i save lainim long hap.

Em i tok dispela risos senta long UPNG em i namba wan insait long kantri. Em i tok ol bai sanapim long ol narapela yunivesiti long kantrilong bihain taim.

Profesa Rao i tok em i amamas long sainim dispela MoU we em bai givim moa strong long UPNG na ol sumatin i ken mekim moa rises na go skul ovasis olsem long Amerika.

Dispela opis bai stap long StudenWelfena Developmen Sekesen insait long Studen Yunion Building.

Opisal opening bai kamap long Februəri 11.

Need a loan?



Apply for a Westpac Personal Loan by 31/3/14 and receive a low 15.50% rate and 50% off your establishment fee.





Plantı sumatin laik skul long ITI

Kolopu Waima i raitim

Ol sumatin i stap nau long Intenesel Trening Institut (ITI)na ol nupela husat i laik go skul long hap i pulapim rum long Crown Plaza long wik i go pinis long harim moa toktok long ol program ITI i gat long en.

Long wankain taim, ITI i opim wanpela Digri program. ITI iwokbung wantaim Australia Institute of Business (AIB) long kamapim dispela digri

program. Program bai stat long Mas long ITI kempas long Badili long Mosbi.

Dairekta bilong ITI Senthayal Senthil Kumaran i tok skul bilong em i bin stat long 1999 long wanpela liklik opis long OriLavi haus long Boroko, Mosbi. Astingting em bilong promotim kwaliti edukesen wantaim rait prais bilong skul fi.

Bihain skul bilong en i gro na nau em i gat 5-pela Senta insait long kantri. Ino longtaim ol i opim wan-

pela long Buka. Bai ol i opim wanpela long Kokopo na i gat plen i stap long opim long ol narapela provins insait long kantri.

Em i lap wantaim na tok nau i gat moa long 3,000 sumatin i stap pinis long skul.

Em i tok ITI i wokbung wantaim AIB i no isi-pela way. Ol i woklongpela taim long kamapim dispela Digri program "we nau mipela i opim". Em i tok, i gat rot long wokim Masta bilong Bisnis Edministresen

taim ol studen i pinis long Digri.

Dairekta Jeneral bilong Opis bilong Haia Edukesen (OHE) Profesa David Kavanamur i tok tenkyu long ITI long wokbung wantaim AIB bilong Australia.

Dispela wokbung bai i mekim moa PNG sumatin kisim save long Australian stended.

Profesa Kavanamuri tok ITI na AIB i opim tingting bilong planti ol PNG sumatin we ol nau i ken kisim kwaliti edukesen.

ITI bai gat Batsela na Masta Digri Kos

Aksie Akibiang i ratim

Intenesel Trening Institut (ITI) bai gat digri kos long Batsela ov Bisnis Edministresen (BBA) na Masta ov Bisnis Edministresen (MBA) long 2014.

Dispela i kamap bihain long ITI i kisim tok orait long opis bilong Haia Edukesen na Gavman long ranim skul bilong ol olsem wanpela praivet Haia Edukesen Institusen. ITI i bung wantaim Australian Institut ov Bisnis (AIB) long dispela tupela kos long kempas bilong ol long Pot Mosbi stat long mun Mas.

AIB em i wanpela bikpela nem skul insait long Australia na tu em i

gat planti kempas long fopela kona bilong wol wankain olsem dispela program ol bai wokim wantaim ITI.

Plantı Papua Niugini i bin go skul long AIB long Adelaide, Australia long wokim digri na masta bilong ol na nau ol i holim bikpela posisen long sampela bikpela kampani na gavman dipatmen.

Dairekta bilong ITI, Senthayal Senthil Kumaran i tok, "bihain long 15 yia, mipela i wok strong long givim kwaliti edukesen long ol sumatin long liklik fi.

Nau mipela i amamas long bringim dispela intenesel institusen long kam long skul bilong mipela na givim wol klas batsela na

masta digri long ol sumatin long hap prais bilong go ovasis na stadi.

Maketing Dairekta bilong AIB, Vinod Joel Abraham i bin autim planti tok long gutpela bilong dispela kos long taim bilong opim ol digri na masta kos long Pot Mosbi las wik Fonde.

Dairekta bilong Opis bilong Haia Edukesen, pes seketeri bilong Minista bilong Haia Edukesen na planti arapela lain bilong ol kampani na moa long 200 sumatin i bin kam lukim dispela bung.

Sampela gutpela samting i kam wantaim dispela ol digri na masta kos long ITI em long

liklik fi, ol kos em bilong intenesel stendet, yu ken wok na skul na, tu skul taim em yu ken makim long fitim wanem kain wok yu mekim.

Olgeta kos straksa na eksam bai ol i wokim long Australia tasol yu stap long PNG na kisim save

wankain olsem sapos yu go stap long hap.

Long kisim moa toksave long ol dispela kos na wanem taim skul bai stat yu ken go lukim ol lain long ITI na bai ol i givim yu planti infomesen.



Ol wokmeri bilong Tango i sanap na wetim ol kastoma.

Milen Be bai nogat projek fi

Milen Be provinsal gavman i bin givim K1 milen olsem skolasip mani bilong ol sumatin husat i go skul long ol bikpela skul.

Gavana Titus Philemon i tok provinsal eksekutyutiv i tok orait pinis long dispela mani long Desemba las yia. Em i tok dispela em i skolasip mani bilong ol pikinini.

Gavana Titus i tok sampela ol manii no save redi long taim skul save i olsem na em i tok em i mekim redi mani long ol sumatin bilong em.

Gavana Titus i tok dispela mani em provinsal gavman i putim long kamapim wanpela projek tasol ol i putim i go long skolasip bilong ol sumatin.

Long wankain taim, Gavana i tokaut olsem nogat wanpela skul long Milen Be bai sasim skul projek fri. Dispela bai mekim ol pipel bilong MilenBe husat gat ol pikinini stap long skul bai kisimfriedukesen tu.

Saiman bilong Edukesen, James-

Rubeni, i givim dispela ripot i go long Provinsal Edukesen EksekutyutivKaunsil(PEC) long tok orait. Na bihain ol Provinsal Edukesen Kansol, bai givim long Nesanel Edukesen Bod (NEB) long Mosbi.

Mista Rubeni i tok, sampela skul long provins i kisim projek fi nai no mekim ol wok long skul. Ol komiti na Bod ov Gavana bilong skul i save paulim dispela mani. Em i tok em i no laikim dispela pasin i kamap gen.

Mista Rubeni i tok gavaman tu i apim 10 pesen fi bilong friedukesen mani long dispela yia. Dispela bai mekim ol Bod ov Gavana na ol skul hetmasta i gat planti mani long kirapim skul wok.

Em i tok Nesanel Edukesen Bod i tokaut pinis long hamas mani ol wanwan skul level bai baim, i go inap long K200 mak, tasol ol PEC i tok ol skul bai gat planti mani long lukautim pikinini na wokim ol narapela skul wok i go pinis bilong dispela skul yia.



Registration is OPEN for JANUARY INTAKE

**Hurry & Apply
Secure your space now**

**Attention: Grade 10 , 12 and Working class
"your chance of a better future"**

Certificate Courses

- Certificate in Computing *
- Certificate in Accounting *
- Certificate in HR Management
- Certificate in Business
- Certificate in Sales

Diploma Courses

- Diploma in Accounting
- Advanced Diploma in Accounting
- Diploma in Management
- Diploma in Marketing
- Diploma in Information Systems
- Diploma in Internet Technology
- Diploma in Networking
- Diploma in HR Management
- Diploma in Information Technology *

*** Courses are offered in Kimbe**

Students who complete ITI Diploma are eligible to obtain Credits into Business & Information Technology Degree offered by University of Southern Queensland (USQ) Australia



ITI Training offers courses that are effective and reliable. It has enhanced me with the necessary skills and knowledge to achieve my goals and objectives as a full time employer. I undertook my Diploma in Information System in 2013 via night classes and graduated in November 29 2013. I would say the quality of knowledge I gained has equipped me well to handle any challenging situation with confidence that may come my way via my field of experience. It is better to Choose ITI as your 1 choice for better education that will prepare you for work force

**ITI is now recognised as a provisional
Higher Education provider**

Night classes are also available for working class
with affordable transport fee!

For more info: contact the marketing team Website : www.iti.ac.pg

POM
PH: 320 2800
Fax: 320 0513
enquires@iti.ac.pg

Lae
PH: 472 2790
Fax: 472 0199
enquires.lae@iti.ac.pg

ITI WNB DISTANCE CENTER
Ph: 983 4922/ fax: 983 5873
Mh: 7242 3291/7379 0159
enquires.kimbe@iti.ac.pg




Is-Wes Senta bilong PILP i redi long kisim kendidet

IS-WES Senta bilong Pasifik Ailan Lidasip Program wantaim Taiwan (PILP) em i op redi long kisim ol aplikesen bilong 2014 PILP Felosip grup na ol lain i ken stat long salim ol eplikesen bilong ol nau igo inap long 1 Februeri, 2014.

Bikpela tingting bilong PILP Felosip em long lainim moa ol 124 yangpela lida bilong Pasifik Ailan rijon long byusim ol save bilong ol long lidasip na long bistrongim wok bung wantaim, long kain kain

wok olsem kalsa, jiograpi na ol institusen.

PILP Felosip bai givim mani bilong skul fi, baim ol samting bilong kos, baim rum bilong slip, helt insurens, mani bilong kaikai, tu we tiket long Honolulu, tu we tiket long Honolulu i go Taipei na ol sevis fi bilong ol sapos ol i nidim. Program i laik kisim ol kenidet i gat bikpela save wantaim gutpela pasin bilong lida, na ol i mas gat strongpela tingting bistrongim helpim komyuniti long kantri bilong ol

taim ol i pinis.

Dispela program bai i helpim save bilong ol long klia gut long wok bilong ikononik, sosel, politik, helt, edukesen na ol hevi i save kamap long envaironmen long rijon, na long helpim ol long stretim lidasip skil, na pasin bilong kamapim gut wok na long wok bilong ol netwok long kamapim wok i karim kaikai insait long Pasifik rijon na long wan wan wok bilong ol.

PILP bai i stat long Ogas na bai pinis long Novemba 2014, ol lain i skul bai mekim ol ekse-sais bilong lidasip wok

insait long Is-Wes Senta kempas long Hawai'i na bihain bai ol i go long Taipei long institut bilong Diplomesi na Intenesenal Afeas aninit long Taiwan Ministri bilong Foren Afes.

Program em i bilong ol lain i stat long wok nau tasol na ol lain i wok pinis long sampela yia long aplai.

Krismas bilong ol bai namel long 25 na 38 na ol i ken kam long olgeta eria bilong komyuniti, gavman, bisnis, envaironmen, NGO, helt, midia, egrikalsa, edukesen na ol narapela.

Paru Aihi strongim fri edukesen



Paru Aihi wantaim ol narapela Minista bilong PNC pati i kisim Praim Minista go antap long ples bilong bung long Bereina Stesen long Sentral Provins.

Nicky Bernard i raitim

"FRI Edukesen em tingting bilong Paru Aihi na PNC Pati," em toktok bilong Praim Minista taim em go long las wokabout kempen bilong Paru Aihi long Bereina Stesen long Sentral Provins.

Praim Minista Peter O'Neil i bin kisim helikopa na go daun long Bereina na bungim moa long 4 tausen manmeri na pikinini na toktok long ol long sapatim Aihi husat em i kenidet bilong PNC.

Mista O'Neil i tokim ol manmeri na pikinini olsem fri edukesen em tingting bilong Mista Aihi taim em i go joinim PNC na dispela tingting bilong em i karim kaikai.

Mista O'Neil i tokim ol manmeri tu olsem dispela Ministri bilong Edukesen i wetim tasol Aihi sapos ol i makim em i go bek long palamen.

Wanpela bikman long ples i tokim O'Neil na Aihi olsem, sapos ol votim Aihi go bek long Palamen, em mas i

opim nupela maket bilong ol pipel bilong Kairiku.

Long wanem dispela i save helpim ol long mekim liklik mani long baim ol samting bilong ol pikinini bilong skul.

Tasol Praim Minista em bekim krai bilong ol na tok gavman i putim bikpela mani go long agrikalsa na ples bilong ol i gat gutpela graun long mekim egrikalsa bisnis.

Dispela wik em taim bilong ol pipel bilong Kairuku Hiri long votim wanem lida long kisim wari bilong ol i go long Palamen.

Planti bilong ol Kolisen pati husat i fomim gavman wantaim PNC i putim kenidet bilong ol tu long ran long dispela bai ileksen bilong Kairuku Hiri.

Long 2017 dispela tupela ilektoret bai bruk na kamap wan wan ilektoret bilong ol yet na bai gat memba bilong ol yet tu. Nau em las ileksen bilong Kairuku Hiri.



Skul i laik stat klostu na ol wokmeri bilong Tango i sanap na wetim ol kastoma long kam sekim ol yunifom long skul pikinini bilong ol. Ol foto: Nicky Bernard



Ol papamama i painim skul yunifom bilong ol pikinini long Tango supa stua.

Keria Ekspo:

Ol sumatin bilong ol skul long NCD i lain long go insait long Sir John Guise Indoor Stedium long lukim NCD NGB 2013 Keria Ekspo. Wankain Ekspo bai kamap long Epril long dispela yia.





UNESCO tok orait long projek mani

UNESCO, (Yunaitet Nesen Edukesen, Saiens na Komyuniksen) i givim tok orait pinis long ol komyuniti bilong PNG i ken putim proposal o projek plen bilong ol i go long UNESCO hetkwata long Paris, Frans.

Seketeri Jeneral bilong UNESCO PNG, Yori Ye i tokaut las wik olsem ol non-gavman oge-naisesen, ol sios grup na kalsa grup na narapela gavman orge-naisesen i ken aplai long ol projek nau wantaim tok orait bilong Ekstenal Rilesens Asisten

Dairekta, Eric Falt. Mista Ye i tokaut olsem gavman i bin helpim UNESCO PNG opis wantaim K643,000 long bekim ol dinau bilong ol projek i go bek long UNESCO Het Opis. Dispela i opim rot bilong moa nupela projek proposal i ken go insait nau.

UNESCO het opis i bin stopim mani i kam long PNG Wok Bung Wantaim Program inap long 6-pela yia. Em i save givim mani bilong "Wok Bung Wantaim Program" olgeta tupela yia, stat long taim PNG i bin kamap

memba long 1976. PNG Nesenel Komisin i mekim dispela toktok insait long wanpela pepa long dispela wik.

Taim mani bilong "Wok bung Wantaim Program" i stop, ol arapela program bilong UNESCO long kantri olsem skolasip i wok long go yet. Dispela mani we ol i no bin ripotim em ol mani Edukesen Dipatmen i bin yusim aninit long "Wok Bung Wantaim Program."

Mista Ye i tok olgeta tupela yia UNESCO PNG Jeneral Sekreteriet i save salim ripot bilong ol mani ol i yusim long wok bilong edukesen, saiens, na ol arapela kalsa program long kantri.

Tasol olupela menesemen i no bin hariap long stretim ol ripot bilong mani ol i yusim long ol projek na program, na salim i go bek long hetkwata long Frans, olsem na PNG i no bin kisim mani bilong program inap long 6-pela yia olgeta.

Insait long ol yia 2000 i go long 2004 UNESCO i bin givim K4.3 milien long PNG aninit long helpim bilong teknikel na fainens.

Em i bin helpim 21 projek na program wantaim mani mak K1.8 milien pinis. Sampela ol dispela projek em, Is Sepik na Enga Provins em K173,000 na Popondeta Praimeri Skul komputa projek em K66,000.

Aninit long saiens, em i bin givim mani long helpim ol lain i kisim bikpela bagarap long taim bilong san long Enga, Westen na Sauten Hailans long yia 2000, na ol lain i kisim bagarap long maunten paia bilong Maun Pago long Wes Nu Briten na long Manam long Madang wantaim K72,000.

"Long yia 2003 UNESCO i bin givim mani long wanpela draf nominesen wantaim K100,000 long putim stori bilong Kuk Veli long Westen Hailans

Provins aninit long Wol Herites Lista. Em i givim tu K50,000 i go long wanpela projek bilong kamapim pepa long givim wok long ol yangpela i no gat wok insait long Pot Mosbi, na tu ol i givim mani long wok bilong Profesa Otto Nikital projek bilong Tokples "Wanpela Kalsa i wok long dai long 2003," Mista Ye i tok.

Aninit long Komyunikesen Sekta UNESCO i bin givim K50,000 i go long komyuniti redio projek long Sirunki insait long Enga Provins na K365,000 long stretim NBC na long stretim midia yunit bilong Yunivesiti bilong PNG kempas na long Divine Word Yunivesiti wantaim K63,000 long wan wan bilong tupela.

Seketeri Yori Ye i singaut long ol grup husat i bin kisim helpim bipo na ol narapela tu long salim ol projek proposal bilong ol i kam nau long UNESCO opis.

Spesol

Keria Ekspo:

Ol sumatin bilong ol skul long NCD i harim toktok bilong kampani wokmeri bilong Nautilus Minerals Rachael Gima long ol wanem kain wok ol i ken kam wok sapos ol i gat ol mak kampani i Laikim long em.



BACK 2 SCHOOL BACK 2 THEODIST 25% OFF!

**BACKPACKS, SACHELS, DUFFLE BAGS, LUNCHBOXES,
DRINK BOTTLES, PENCIL CASE & MORE**



smash **REYEX** **EBOX®**

PROMOTION ENDS FEBRUARY 28TH!!

CALL OUR SALES TEAM TODAY!

WAIGANI DRIVE, PORT MORESBY
Ph: 325 6500 Fax: 325 0302 Email: sales@theodist.com.pg
MARKHAM ROAD, LAE CITY
Ph: 472 5488 Fax: 325 0302 Email: saleslae@theodist.com.pg

THEODIST LTD
THE STATIONERY & SUPERMARKET

Taim bilong baim skul yunifom nau

Isaac Liri i raitim

TAIM bilong skul i kam klostu nau, na ol papamama wantaim ol pikinini i painim long ol nupela yunifom bilong ol pikinini long dispela nupela skul yia.

Long dispela kain taim, ol stua i save lukim planti kastoma, na tu, ol i save mekim planti mani.

Tango Dipatmen Stua long Boroko, em wanpela stua insait long Mosbi we i save lukim planti ol papamama

na ol sumatin long dispela kain taim.

Tango Dipatmen Stua i save salim ol yunifom bilong planti skul long NCD, na tu, ol skul long Sentral Provins.

Patricia Karai, wanpela wokmeri long Tango i tok, long las wik i kam nau, ol i lukim planti ol papamama na sumatin, na kaunta bilong ol i bisi tru.

Patricia tok planti moa kastoma i no kam yet, na ol i wetim neks wik, na wik antap, long wanem, ol i save olsem bai ol i bisi tru.



Patricia Karai i sevim ol kastoma long Tango Dipatmen Stua.

Politiks i no mas bagarapim wok bilong ol polis



Long taim i gat gutpela lo na oda long komyuniti bai i gat gutpela sindaun na ol pipel i amamas. Komyuniti na ol bisnis bai bel isi na mekim gut wok bilong ol.

Wok bilong lo na oda em i stap long han bilong yumi wan wan . Yumi stap gut bai i no gat planti hevi na ol polis bai i no gat bikpela wok long mekim. Tasol sori tumas, laip i no isi olsem. I gat planti hevi i save kamap na ol polis i mekim wok bilong painim na kotim ol trabel lain. Yumi klia long wok bilong ol polis. Ol i stap long mekim wok bilong lukautim lo na oda insait long komyuniti na kantri.


Wok bilong polis em i no bilong lukautim wanpela man o politikal pati. Ol polis i sanap olsem namelman na i no wok wansait.

Ol i mas givim wankain sevis long olgeta manmeri insait long kantri. Ol i no ken wok wansait long taim ol i mekim wok bilong ol.

Tasol tude long PNG yumi lukim bikpela senis i kamap.

I luk olsem ol polis i pret long ol politikal lida bilong kantri na i larim ol politisen gen i kamap olsem bos bilong ol. I gat bikpela kwesten mak i stap antap long wok bilong ol polis nau.

Ol i wok wansait long amamasim gavman na givim bak-sait long ol arapela hevi i wok long kamap insait long kantri o olsem wanem? Ol pablik i



tromoi dispela askim bihain long polis komisina na ol politisen i wok long pulim na taitim long kot. Na long NCD

yet i luk olsem ol polis i mekim fultaim wok bilong stapim buai i kam insait long siti olsem na mobail skwad

long Hagen i kam daun long siti long mekim wok bilong ol. Olsem wanem nau? Ol polis i no gat narapela wok bi-

long mekim na bai ol i mekim wok bilong ol politisen tasol? Dispela kain pasin i soim ples klia olsem gutpela nem bilong ol polis i wok long lus nau. Na sampela pipel i no gat bilip moa olsem ol polis i namelman na i no wok wansait.

Dispela yia 2014, em i yia bilong strongim wok bilong ol polis na kamapim gutpela senis. Yumi harim bikpela toksave i kamap long maus bilong polis komisina yet na gavman tu i putim bikpela mani i go insait long strongim na kamapim tru dispela program.

Yumi luksave long bikpela wok tru ol polis i mekim na yumi wanbel long dispela program bilong strongim wok bilong ol.

Olsem na mobeta ol politisen tu i mas soim rispek na larim ol polis i mekim wok bilong ol long taim i gat komplein i kamap. Larim polis i mekim wok painimaut gut na bihainim stret lo long wok bilong ol.

Sapos ol i lukim olsem gat gutpela as long sasim o arestim man, orait larim lo nau i mekim wok bilong en.

Husat man o meri i mekim wok bilong lukautim lo na oda i bin mekim promis pinis long mekim stret wok bilong em na i no pret long husat man o meri i egensim em.

Gavman i mas stapim dispela pasin bilong yusim polis long mekim wok bilong en. Namba wan step em long givim wok bilong Polis Minista i go long wanpela narapela memba.

Praim Minista yet i no mas holim dispela wok bikos wok

politik i ken bagarapim gutpela nem na wok bilong polis fos insait long PNG. Pasin bilong wantok sistem o lukautim ol haus lain o karamapim rong bilong ol bikman i no ken bagarapim wok bilong lo na oda. Ol polis i mas fri na i no ken pret long mekim wok bilong ol.

Lo i stap long lukautim olgeta manmeri na pikinini bilong dispela kantri.

Em i no inap wok wansait na givim bikpela mekimsave i go long ol manmeri nating na larim ol bikman i go fri, nogat.

Ol pipel i laik save tu long wanem as tru bilong kirapim ol grup husat i save mekim wok bilong ol polis. Yumi olgeta i luksave olsem aninit long lo bilong Papua Niugini i gat wanpela polis fos tasol, em Royal Papua New Guinea Constabulary.

Lo i tok klia olsem husat lain i kirapim namba tu o namba tri giaman polis fos bai i gat kot.

Yumi paul nabaut bikos ol dispela ekting polis grup i putim yunifom bilong RPNGC na i bagarapim gutpela nem bilong ol polis tru. Ol dispela ekting polis i mekim trupela wok bilong lukautim lo na oda o ol i mekim wok bilong ol politisen.

RPNGC i mas kisim bek gutpela nem bilong en gen bikos i gat planti moa gutpela polisman na meri husat i mekim gutpela wok bilong lukautim kantri bilong yumi tude.

Mobeta ol politisen i no mas paulim sistem na bagarapim wok bilong ol.

Salens namel long ol lida i no gutpela piksa

Gavman na Oposisen bilong Papua Niugini i no isi long salens go kam na sutim tok go kam long ol kain kain toktok nabaut. Nau olgeta salens bilong tupela stap pinis long han bilong kot long harim na skelim long mun Februeri.

Em gutpela taim bilong ol loya long mekim gutpela mani long ol dispela kot, tasol bikpela askim em husat bai baime ol dispela loya na kot bilong ol?.

Yu yet ken skelim tasol em samting bilong Gavman olsem na tru tumas mani bai kam yet long Gavman we inap go long mekim ol wok bilong stretim kantri long eria bilong edukesen, haus sik, rot na planti arapela sevis yumi save kraio olgeta taim long en.

Long bikpela piksa na nem bilong Papua Niugini, dispela kain salens go kam olsem long kot i save givim piksa nogut na nem nogut long gutpela sanap bilong kantri. Dispela i ken



daunim wanbel na laik bilong ol bisnis insait long kantri bikos ol bai pret nogut kantri i no ran gut na bisnis bilong ol bai bagarap tu.

Asde tasol em kantri i bin brukim nesenol baset na yumi laik lukim dispela baset i karim kaikai we ol wok na developmen mas go het nau bihainim baset plen bilong Gavman.

Plantu bisnis tu save stretim bisnis bilong ol bihainim baset plen bilong Gavman bikos em wanpela rot ol ken lukim dua i op long ol i ken mekim gut bisnis bilong ol.

2014 em yia bilong LNG

projek long statim op-eresen bilong em na dispela em wanpela bikpela projek insait long Papua Niugini we em bai bringim moa mani na bikpela senis long kantri long sait bilong ol wok, bisnis na ikonomi bilong kantri.

Taim kantri gat moa mani na ikonomi i go antap, moa bisnis bai kamap na planti pipel bilong Papua Niugini bai gat ol liklik wok bisnis tu bikos bikpela bisnis bai pulim moa bisnis long kamap.

Em wanpela gutpela piksa na mak bilong kantri bilong yumi olsem na yumi laikim olsem olgeta samting mas ran gut na kros nabaut nabaut i mas stop na yumi olgeta lukluk long kirapim kantri bilong yumi.

Kain kros na salens namel long ol lida i save brukim nabaut ol pipel tu na ol gav-

man sevis na bisnis tu save bruk go hap hap. Em i no gutpela long pasin wanbel na sapot bilong yumi olgeta long sanap wantaim na ranim kantri bilong yumi.

Sampela gutpela senis i mas kamap long bihain taim long stopim kain salens na bruk namel long ol lida na ol gavman sevis na ol pipel long bihain taim.

Yumi gat Vison 2050 plen i stap long wok go het long lukim Papua Niugini i kamap wanpela gutpela na naispela kantri long dispela taim 2050.

Tru planti bilong yumi bai dai pinis tasol gutpela pos yumi sanapim nau em gutpela sindaun na amamas bilong ol pikinini na tumbuna bilong yumi long bihain taim.

Yumi sanapim plen pinis na yumi mas sanap wantaim na sanap strong long kantri i mas ran long mak stret go inap long yia 2050. Em rot Papua Niugini i mas go long en nau.



Published Weekly, Thursday, for Word Publishing Company, Ltd. P.O. Box 1982, Boroko, NCD Papua New Guinea Telephone: (675) 325 2500 Fax: (675) 325 2579

Email: editorial@wantok.com.pg Websait: www.wantokniuspapa.com

Pe bilong wanpela yia, 52 niuspepa

Ples:	Air:
PNG	K220.00
AUSTRALIA	US\$110.00
ASIA PACIFIC na JAPAN	US\$150.00
AMERICA na EUROPE	US\$210.00

General Manager Elizabeth Konga

Acting Editor Veronica Hatutasi

Published at Able Building Complex, Sec 58 Lot 02, Waigani Drive.

Word Publishing Company Limited is owned by the four major churches of Papua New Guinea - Catholic 55%, Lutheran 25%, Anglican 10%, United Church 10%. The company reserves the right to accept or reject any advertisement or other material submitted for publication which it deems contrary to the public interest or its absolute discretion. The publisher's general terms acceptance are available at Word Publishing Company Ltd and are set out full on the display advertising form.

New Horizons i kam long PNG

Go bek SKUL



Datec i save givim trening i kam long wanpela gutpela lain tru bilong givim trening long wol

DATEC Senta bilong Lainim long Mosbi nau i kamap opisel lain tru bilong givim New Horizons trening kos.

“Long las 5-pela yia, Datec i save givim trening bilong ol wok bilong infomesen teknoloji, sof skills, menesmen na projek menesmen,” Sanjay Vaidya, dairekta bilong trening i tok.

Ol save bilong wok ol i lainim em i sut stret long wanem

samting kantri i nidim na ol lain i kisim trening i ken mekim bikpela senis long wanem hap ol i yusim dispela save.

Long Januəri 6, 2014, New Horizons bilong United States Worldwide i tokaut olsem em i opim wok bisnis long Pot Mosbi na Lae na tu long olgeta hap bilong PNG. Ol i wok poroman wantaim Datec Senta bilong Lainim, bikos Datec i kamap ples kliia olsem ol i fit tru long wok poroman wantaim New Horizons insait long PNG.

Dispela namba wan trening

senta, insait long Pot Mosbi i kamapim gutpela trening ikwipmen na ol ples bilong givim gutpela trening stret insait long PNG.

New Horizons Worldwide i gat 300 senta insait long 70 kantri, na em i wanpela bikpela infomesen teknoloji trening kampani yet, na em i bin trenim pinis 30 milien pipel long wol. Nau em i wok wantaim Datec Senta bilong Lainim, husat i save go pas long givim trening long ol lain long wok bilong komputa na infomesen

teknoloji long PNG.

New Horizons i save givim kain kain teknoloji na bisnis skil trening stat long besik aplikesen na des top produktiviti tul bilong komputa, i go long ol bikpela sistem bilong ranim bisnis long trupela pasin bilong wok stret.

New Horizons i wok long go bikpela moa yet long karamapim olgeta nid bilong ol ogenaísesen na ol woklain.

New Horizons em i go pas tru long wok poroman wantaim Microsoft long olgeta hap long wol, na em i save givim 40 pesen bilong ol Microsoft trening.

“PNG em i go pas tru long ikonomi bilong Oseania rijon,” Scott McDaniel, Dairekta bilong intenesenel developmen bilong New Horizons Worldwide i tok.

Mi gat strongpela tingting long save na strong bilong poroman bilong mipela, Datec Senta bilong Lainim long givim wanpela gutpela trening tru we New Horizon i save givim long olgeta hap bilong wol na mi gat bikpela amamas tru olsem mipela i gat inap samting long wok poroman wantaim kain ogenaísesen olsem, husat i save tingting long kamapim gutpela kwaliti na givim gutpela save stret long ol kastoma bilong mipela long PNG,” em i tok.

DLC o New Horizon long PNG nau i wok long painim ol lain long wok wantaim long ol liklik provinsal senta, long givim ol trening program long gutpela prais long ol sumatin long provins i ken baim.

DLC nau em i op pinis long kisim ol sumatin long stat trening long Mas 2014 inap long 4-pela semesta bilong New Horizons Edvens Profesional Setifiket long infomesen Tteknoloji na ol i laik kisim ol lain i pinis long gret 10 na i winim gret 12 eksem mak.

I gat 3,000 arapela New Horizons kos i stap na taim bilong ol i olsem wanpela de i go long 10-pela de, em bilong ol lain i stap long wok pinis.

Vaidya i tok i gat on-lain rejistresen na self-lening insait long wanpela tablet o liklik komputa em i gat ol kos pepa na tu ol tes na asmesmen long luksave long sumatin i wok long lainim samting I nogat, tasol em i mekim kos i stap klostu tasol long sumatin.

Wanpela semesta fi em K5,305 tasol, na sumatin bai kisim wanpela tablet na ol e-lening samting na wanpela tisa long skulim em.

Olgeta sumatin bai i kisim eksemnesen bilong wanem New Horizons em i wanpela

institusen bilong olgeta hap bilong wol.

“Mak bilong trening na save em i wankain long London, Munich, Sydney o Pot Mosbi. Yu ken sanap wantaim ol bikpela save lain bilong wol. Sapos yu kisim skoa bilong 75 poin na wanpela man long Harvard Bisnis Skul i kisim 70, em i soim olsem yu winim dispela man,” Vaidya i tok moa.

Olgeta DLC kos na ol instrakta i kisim nupela save long New Horizons karikalam na stail bilong skul.

DLC nau i kisim nupela stail bilong New Horizon long lainim long kamapim ol kos matiriel na instrak-sen long mak bilong save bilong wok i kamap long nau long inapim nid bilong ol bisnis na ol pipel husat i putim mani long en.

I gat 5-pela step long mekim trening:

Glasim – Luksave long save bilong wan wan man na mak bilong bisnis na raitim ol kos long inapim nid bilong kampani stret.

Lainim – Sampela lain i save gat klasrum bilong skul, na sampela i save lainim long intenet. New Horizons i kamap bikpela kampani long wol i save givim IT trening taim em i save givim trening long intenet na tu long klasrum, wantaim kain kain stail long mak bilong save bilong ol sumatin na bisnis stret.

Strongim gen – Maski ol gutpela kos tru long wol i save senis bipo long skul i pinis, New Horizon i save putim moa save na ol samting bilong lainim i go insait long trening long larim trening program bai i stap nupela yet na ol bai i kisim moa sumatin yet.

Sapot – Ol samting bilong helpim yu long trening bilong yu bai helpim yu moa yet long kisim save. Tasol New Horizons i go moa na i givim ol samting bilong skul long helpim sumatin i lainim gut moa.

Trupela – Maski yu wanpela sumatin o yu wanpela kopret trening menesa, na yu laik yusim New Horizons stail bilong trening long bihainim mak bilong trening, luksave long ol seksen we i mas senis long inapim nid bilong ol sumatin na bisnis yu o tim bilong yu i laik lainim.

Em i laik na tingting bilong DLC long helpim na kamapim ol nupela lida bilong bisnis insait long PNG. Long dispela as-tasol ol i wok poroman wantaim wanpela bikpela trening patna long wol long givim 3,000 trening program bilong ICT skil na komyunikesen na menesmen developmen.



New Horizons[®] Learning Centers

NEW HORIZONS OF PAPUA NEW GUINEA ANNOUNCES THE ADVANCED PROFESSIONAL CERTIFICATION IN INFORMATION TECHNOLOGY

Train with the Finest
Certified by the Best



In partnership with Datec Learning Centers, **New Horizons of Papua New Guinea** presents to all Grade 10 and Grade 12 pass out students in Papua New Guinea the **Advanced Professional Certification in Information Technology (APCIT)**, a two year program that provides students the ability to be rated among the best in the world.

New Horizons' has more than 30 years of experience in 70 countries, the training provided is truly world class and relevant to market needs globally, having trained more than 30 million people to date.

New Horizons of Papua New Guinea promises our students will emerge as true world beaters – after all, we are providing the same level of quality as in New York, Munich, London, Sydney or anywhere else.

Right here in Papua New Guinea.

Our current students in the Advanced Professional Diploma in Information Technology (APDIT) will also be eligible to attain this global credential and will be upgraded in normal course.

Registrations are now open. Please contact us on the contacts below for more information.

New Horizons Worldwide, based out of Philadelphia, USA has pioneered training in Information Technology for over 30 years now and brings to PNG its entire portfolio of training, which includes Soft Skills, Front Line Management studies, and the very best of breed in training methodologies and practices.

Now our customers benefit by accessing:

- Global training programs
- Globally recognized credentials
- Highest level of quality in terms of trainers and curriculum
- Training methodologies of highest standards in the world
- Access to eLearning solutions and distance learning

Registrations for Feb 2014 intake open now.

All applicants will be awarded the APCIT registration under New Horizons University.

K5,305 Per Semester

PORT MORESBY
T: +675 303 1333 F: +675 325 9066
LAE
T: +675 472 0600 F: +675 472 7277

For more information contact
T: +675 303 1297 / +675 303 1304
M: +675 7236 9547 / 7649 106 4
E: dlc@datec.com.pg



get ahead!



Kuka spesol...

Bereina em ples bilong kuka stret, ol dispela liklik kuka i no save isi long hap. Maski i no sisen bilong em tasol ol save kamap yet. Dispela ol mama long Bereina stesen i go kisim ol na boilim gut tru na salim long 20t i go inap long 50t. Poto Nicky Bernard

Nupela Hailans yunivesiti i mas stap namel

Kolopu Waima i raitim

NUPELA yunivesiti gavman i bin tokaut long sanapim long Hailans i mas stap long wanpela namel ples.

Deputi Oposisen lida na memba bilong Bulolo, Sam Basil, i mekim dispela toktok taim Praim Minista i tokaut olsem nupela Hailans yunivesiti bai i stap long lalibu, long Sauten Hailans provins.

Mista Basil i tok sapos gavman i tingting long putim nupela yunivesiti long Hailans rijen, em i mas lukluk long putim long Westen Hailans, Jiwaka o Simbu provins.

Em i tok ol dispela provins i save stap long namel bilong Hailans rijen. Mista Basil i tok ol dispela provins tu i no gat ol natural risos we ol

i ken mekim planti mani long strongim developmen bilong ol. Olsem na gavman mas skelim ol risos gut na skelim wantaim ol pipel bilong PNG. Dispela em wanpela bikipela invesmen na gavman i ken mekim fae long ol dispela Hailans provins.

Mekim ol i kamap sevis senta long Hailans rijen we ol i ken kisim gutpela benefit long ol bikipela natural risos developmen i nau wok long kamap stap. Mista Basil i tok, dispela yunivesiti em i putim long ilektoret bilong em yet long lalibu-Pangia na yunivesiti ya bai kamap olsem llaibu-Pangia yunivesiti bikos politik putim long hap.

Mista Basil i tok moa olsem em i gutpela long putim long han bilong ol edukesen dipatmen long

skelim na putim long wanpela gutpela hap.

Em i tok gavman i bin putim K80 milien long kirapim dispela yunivesiti. Tasol dispela mani i ken rausim na givim ol narapela yunivesiti long stretim ol klasrum na mekim planti spes long kisim planti studen.

Gavman laik kirapim dispela yunivesiti long pinisim sampela problem ol sumatin long kantri i save bungim. Gavman i lukim olsem ol sikispela yunivesiti long kantri i no gat planti spes long kisim moa pikinini husat i pinisim gret 12.

Olsem na planti i save stap nating, nogat wok na mekim ol narapela pasin i no gutpela long komyuniti. Long sotim dispela, gavman i laik kamapim dispela yunivesiti long Hailans rijen.

Baim skul fi wantaim Westpac dinau mani

Lynette Boas bilong Westpac Midia i raitim

YUMI kamap gen long wanpela taim bilong yia we planti ol kastoma bai i laik kisim dinau long ol benk long baim skul fi bilong ol pikinini bilong ol na baim sampela narapela samting ol i nidim.

Westpac i traim long givim gutpela sevis na em i tokaut long intres bilong dinau mani em i liklik tasol olsem 15.50 pesen wantaim benk fi bilong K150.00 tasol.

Man i go pas long Ritel Benk, Adam Downie i tok, dispela dinau mani Westpac i givim em i

gat isi intres reit inap tru long helpim ol papamam long kamapim tingting na driman bilong ol long nupela yia i karim kaikai. Dispela inap long baim skul fi bilong ol pikinini bilong yu or baim ol narapela samting olsem, kar, bot, kisim holide i go long ovasis o stretim haus bilong you. Dispela dinau mani reit bilong mipela inap helpim yu kisim ol dispela samting.

Hetman bilong SME na Sels, Yawetau Salem i surukim maus na tokaut olsem, Westpac i redi na bai givim bel tru long helpim ol kastoma husait i laik kisim helpim aninit long dispela dinau

mani ofa insait long 48 aua, wantaim olgeta pepa wok we ol inap givim.

Dispela liklik intres reit bilong dinau mani bilong mipela long Westpac bai ran inap 31 Mas 2014. Wantaim dispela as tingting, mipela askim ol lain husat i laik kisim dinau hariap, long kam long Westpac Benk.

Westpac dinau mani i open long ol Westpac customer na ol customer bilong narapela benk tu. Sapos you tingting now long kisim wanpela dinau, kam lukim mipela long Westpac. Tasol dispela kain dinau i gat tu ol lo bilong bihainim pastaim long yu ken kisim.



Ol skul yunifom insait long Tango Dipatmen Stua long Boroko, NCD.

BACK TO SCHOOL

Make it Matter
Educate your children through

Tisa Loans

LOWEST INTEREST RATES & LOWEST FEES

- ✓ 12% INTEREST PER ANNUM
- ✓ MINIMUM CONTRIBUTION K20 PER FORTNIGHT
- ✓ 36 MONTH REPAYMENT PERIOD

Contact 300 2200 or your nearest TISA Office
Website: www.tsl.org.pg

Not for Profit, Not for Charity, But for Service



Program bilong Wanwan De

De - Mande - Fraide

6am - 10am - Sankamap show - Host: Kas.T
6:00am - Major Nius Bulletin
6:15am - Komuniti Notis Bod
6:25am - Taim Bifo - wanpela singsing b'long bifo.

Tasol
9:30am - Final aua cruz
10am - 3pm - Morin Trek na Belo Pack
10:00am - Major Nius Bulletin - YUMIFM Nius Senta

2:00pm - Major Nius Bulletin - YUMIFM Nius
2:05pm - YU TOK - komiuniti awenes program
2:45pm - YUMI PANIM WOK Segment

6:10pm - 7:00pm Mon kamap sho
6:45pm - Komuniti Notis Bod
7:00pm - 9:00pm - COCA COLA GARAMUT

Sarere belo cruz - Host: Tuluvan Vitz
1pm - 2pm - Sarere Belo Taim Dedikesen
2:00pm - Nius - YUMIFM Nius Senta

RADIO AUSTRALIA TOK PISIN PROGRAM HARIM LONG: 101.9 FM

6AM Stesen Op - Nius Hetlain - Musik na ol intaviu
6:30AM Nius na Karent Afes
7AM Stesen Pas
7PM Stesen Op

MANDE JANUERI 20, 2014

4:00 AM G AUSTRALIA NETWORK
5:00 AM G WITH JOYCE MEYER
5:30 AM G EMTV NEWS REPLAY
6:00 AM G TODAY
9:00am MALOLO CLUB

TUNDE JANUERI 21, 2014

5:00 AM WITH JOYCE MEYER
5:30 AM G EMTV NEWS REPLAY
6:30 AM G TODAY
9:00am MALOLO CLUB

EMTV Television Guide

MANDE JANUERI 20, 2014

8:30 PM G MERLIN Season 2 - EP#1 -
9:30 PM G NEWS REPLAY
.....followed by the Australia Network

TUNDE JANUERI 21, 2014

5:00 AM WITH JOYCE MEYER
5:30 AM G EMTV NEWS REPLAY
6:30 AM G TODAY
9:00am MALOLO CLUB

FRAIDE JANUERI 24, 2014

5:30 PM G TRAPPED YR.2 CASTAWAY
6:00 PM G EMTV NATIONAL NEWS
7:00 PM G RAIT MUSIK EP#197

SARARE JANUERI 25, 2014

4:30 AM G AUSTRALIA NETWORK
6:00 AM G EMTV NEWS REPLAY
7:00 AM G IN HIS STEPS EP#18

SANDE JANUERI 26, 2014

3:30 AM G AUSTRALIA NETWORK
6:00 AM G EMTV NEWS REPLAY
6:30 AM G IT IS WRITTEN

FONDE JANUERI 23, 2014

4:30 AM G AUSTRALIAN NETWORK
5:00 AM G WITH JOYCE MEYER
5:30 AM G EMTV NEWS REPLAY

Pasin tumbuna ating i pinis nau long Papua

Nicky Bernard i raitim

PLANTI ol liklik ples long Sentral Provins i stat long lusim pasin tumbuna danis bilong ol nau, na ol i wok long bihainim tumbuna danis bilong ol Pasifik Ailan.

danis na singsing tumbuna na i mas stap long blut bilong ol. Long sampela ples insait long Sentral, dispela i no gat moa stap.



Raun wantaim Wantok kru...

Ol yangpela long Bereina i pilai musik bilong Pasifik na eking olsem ol stap long hap. Foto Nicky Bernard.

TORO




BIABIA



KANAGE



KROSWOD



Akros

- 1 Namba wan man
- 5 Pasindia ka
- 9 Olgeta taim
- 11 Dikteta bilong Uganda
- 12 Kotim

- 14 Kumu
- 16 I no aut
- 17 Sios long hap bilong Papua
- 18 Politikal pati
- 19 _____ na oda
- 20 Kaunim buk

© ABS, 2014

SUDOKU

1	7	4	8	6	5	9	2	3
5	8	9	3	4	2	7	6	1
3	6	2	7	1	9	4	5	8
4	2	5	6	8	1	3	9	7
8	9	6	5	3	7	2	1	4
7	1	3	2	9	4	6	8	5
2	4	1	9	5	3	8	7	6
6	5	7	4	2	8	1	3	9
9	3	8	1	7	6	5	4	2

Ansa bilong las wik Sudoku # 28

	1						7	2
3		2	7		6			1
8		7	2					
		8	6	4				9
	4	9		7		3	6	
7				3	5	1		
					8	6		3
4			1		9	2		7
2	6							8

Ansa bilong Sudoku # 29 neks isu

D	E	S	E	M	B	A		K	L	I	A	U	S	A	
A	D	A	M		A	N	I	R		S		P	R	I	S
K	E	L	A			G	O	K		S	A	I	N	A	
A	N	T	I		K	E	N	S	A		K	T	A	S	
		A	L	I		L	I		S	O	L	A		A	
	I	N		N	O	T	M	L		A	T	I			
N			D	D	T				U	M	B	E	N	T	
A	P	L	A	I			K	O	M		L	A			
R		T	I	A			D	I	G	I	C	E	L	S	I
A	P	I	L			K	A	L	A		I	S	I	T	
K	I			U	A	S	O	S	I	E	S	E	N		
A	R	B		S	M	S		L	M		T	P			
I		A	B	A	U		B	I	U		A	H			
N	I	L	I	M			V	E	R	A	N	D	A	T	A
P	I	S	I	N			T	I	N	G	T	I	N	G	O

Ansa bilong las wik kroswod

- 22 Fani man long Wantok Niuspapa
- 24 Bikpela skul
- 26 I orait
- 28 Haus mani
- 29 Par
- 31 Begin
- 32 Lata

Daun

- 2 Iektoret long Westen Hailans
- 3 Nem bilong meri
- 4 Yu yet!
- 5 Ples bilong dring
- 6 Painim long frisa
- 7 Sain bilong amamas
- 8 Draiva bilong balus
- 10 Ka bilong karim graun
- 13 Ais i save pundaun long ol kol ples
- 15 Bris long Morobe
- 20 Balus bilong go long mun
- 21 Krai bilong kau
- 23 Stilman
- 25 Pulap
- 27 Begin
- 29 Namba
- 30 Mani bilong wok

Madang botenikel gaden i kamap olsem maket ples

James Kila i raitim

OL manmeri long Madang taun nau i wok long salim kaikai na ol arapela samting insait Sir Donald Cleland botenikel gaden olsem maket bikos no gat arapela gutpela ples long mekim maket.

Dispela eria i no gat toilet o wara bilong wasim ol kumu na ol arapela gaden kaikai, na tu i nogat haus long ol manmeri i hait long en long taim bilong ren o san. Dispela i givim planti hevi long sampela lain bilong Madang, tasol em disisen bilong Madang Eben LLG.

Nau yet ol maket manmeri i save wokabaut long botenikel gaden i go long olupela pablik toilet bilong taun long kisim win.

Madang Eben LLG, i stretim Sir Donald Cleland botenikel gaden eria long ol manmeri i yusim olsem maket bihain long bikpela maket long taun i pas long redi long nupela wok developmen bai kamap long wokim bikpela maket. Dispela maket developmen projek long Madang em Japan Intenesenel Kopresen Ejensi (JICA) wantaim Nesenel Fiseris Atoriti i bung long sapotim wantaim mani

mak olsem K26 milien.

Taun meya bilong Madang, Joe Yama i tokaut olsem bikpela Madang taun maket bai pas inap 18 mun olgeta long lukim developmen wok i kamap. Olsem na ol manmeri i mas yusim ol arapela maket long salim ol samting.

Long nau yet ol manmeri bilong ol ples long Madang husat i save bringim ol gaden kaikai na tu ol lain bilong salim ol kain kain stua samting i bung wantaim na maket insait long botenikel gaden. Moa long en tu, no gat gutpela plen long maket na i lukim ol maket lain i miiks nabaut long salim samting wantaim. I gat sampela lain tu i salim buai na simok insait long maket ya.

Planti lain long Madang i tok dispela maket long botenikel gaden i no gutpela long helt, na tu em i no ples stret bilong wokim maket.

I no long taim i go pinis wanpela man i stap longpela taim long Madang i tokaut olsem Sir Donald Cleland botenikel gaden em rekriesen eria na em i no stretpela ples long ol manmeri i yusim olsem maket. Moa long en tu, ol atoriti i brukim tru lo bilong fisikol plening long kirapim maket long hap bikos dispela ples em risev long rekriesen tasol



Ol mama i sindaun long gras na salim kaikai long Sir Donald Cleland botenikel gaden long Madang. Foto: James Kila

na i no bilong pablik yutiliti olsem maket bikos i no gat ol samting olsem toilet, wara, ples bilong rausim ol rabis na ol haus long hait long en na tu ol bet bilong putim ol kaikai na samting

antap long en.

Sampela mama i tokaut olsem botenikel gaden em orait bikos i gat seid long taim bilong san, tasol em i no gutpela long taim bilong ren i pundaun bikos ples i

save tais na bagarap stret.

Long las wik tasol ripot i kamaut olsem Madang taun menesa, Lau Sorum i tokaut olsem ol bai muvim maket i go long Bates pilai graun long Madang taun.

Tasol planti lain bilong maket lain i tok strong olsem Bates pilai graun em i ples we wara bilong Madang taun i save bung long en na tu em i no gutpela eria long wokim maket.

Gavman bai givim bikpela luksave long papagraun:PM

Stanley Nondol i raitim

PRAIM Minista Peter O'Neill i tokaut olsem gavman bilong em bai lukluk long givim gutpela sevis long ol papagraun long ol risos bilong ol na i no olsem bipo we ol i save kisim liklik sevis tasol olsem royalti na bikpela mani i save lus long han bilong ol narapela lain.

Mista O'Neill i tok taim ol senism gavman bilong Somare long 2012, gavman bilong em i lukluk long senisim planti lo na sistem insait long gavman long givim bikpela sevis i go long ol papagraun. Em i tok ol papagraun i mas kisim gutpela sevis na ol tu mas kamap papa bilong wanem wok developmen long risos long graun bilong ol.

Mista O'Neill i mekim dispela tokotk long Mosbi long taim bilong brukim graun bilong makim stat bilong wok long Pot Mosbi Suris sistem apgreding long ples Kilakila long dispela wik.

Mista O'Neill i tok gavman bilong em i wok long senisim ol lo olsem OK Tedi Maining Ekt na ol arapela polisi insait long gavman long mekim ol papagarun tu i ken wok insait long developmen bilong risos na ol yet i



Praim Minista Peter O'Neill i bungim ol papagraun bilong Kilakila bihain long lonsing bilong Pot Mosbi suris sistem long Kilakila Hoskem setolmen. Foto: Nicky Bernard.

mas save long hamas mani ol bai kisim na bai i gat gutpela menesmen long mani bilong ol.

Praim Minista i tok bikpela tenkyu long ol papagraun bilong Vaga long wanbel na larim bikpel suris sistem insait long Pasifik long kamap long ples bilong ol long

sevim Pot Mosbi siti.

Pot Mosbi bai i gat bikpela suris sistem long Pasifik na paip bai ran long Hanuabada i kam long Ela Bis na kam long dispela plent long Joyce Bay long Kilakila long bungim olgeta pipa bilong Pot Mosbi siti.

Ol papagraun bilong Ki-

lakila i bin gat sampela hevi namel long ol yet long dispela bikpela projek gavman bilong Japan – JICA i putim mani long mekim. Tasol bihain ol i wanbel long lukim dispela projel i stat kiwk na pinis bipo long 2018 APCE miting i kamap long Pot Mosbi.

Westpac pesonel lon bai stretim skul fi wari

EM i taim bilong yia we planti kastoma i lukluk long rot bilong kisim dinau mani long baim skul fi bilong pikini na tu long stretim ol narapela wari.

Westpac i luluk long rot we yu ken kisim dinau mani na baim bek dinau wantaim liklik winmani.

Dispela em Westpac pesonel lon, i stap long intres reit long 15.50 pesen. Na pesenel long fi em i K150.

Het bilong Retel Benking Adan Dowine i tok dispela pesenel lon em bilong helpim ol kastoma long mekim 2014 plen bilong ol long karim kaikai.

"Long pesenel lon yu ken baim skul fi, baim kar, go long holide, stretim haus na stretim ol sampela plen bilong yu. Dispela i kam wantaim liklik bekim long winmani". Mista Dowine i tok.

Westpac Rijonal Menesa bilong SME na Sels, Yawetau Salem i tok Westpac i bilip long givim kastoma pesonel lon insait long 48 aua, taim ol kastoma i givim olgeta pepa bilong kisim lon.

"Westpac diskaun persoeal lon bai ran inap Mas 31, husat kastoma i laik kisim lon i mas salim aplikesen kwik long benk". Mista Selam i tok.

Westpac i givim pesenel lon tu long ol kastoma bilong narapela komesel benk.

Long kisim moa toksave go long Westpac brens i stap lostu.

Westpac i stap long 7 ples kantri long Pasifik, Cook island, Fiji, PNG, Samoa, Solomon island, Tonga na Vanuatu na i gat moa long 50 brens na 100 ATM masin.

I gat onlain sevis na tausen mesen.



Origin Gas i gat sefti kempein

Isaac Liri i raitim

ORIGIN Gas em i wanpela bikpela eneji bisnis insait long kantri, na em i stap inap long 40 yia pinis long helpim ol pipel bilong Papua Niugini.

Nem bilong Origin Gas bipo em Boral Gas, tasol long yia 2000, ol i bin senisim nem bilong kampani na nau em Origin Gas.

Origin Gas i gat ol maket long planti taun insait long kantri, ol dispela taun em, Pot Mosbi, Lae, Rabaul, Kavieng, Alotau, Goroka, na Maun Hagen.

Origin Gas PNG em i kam aninit long bikpela eneji grup *Origin Holdings Group*, na dispela bikpela kampani i save givim sevis long Australia na tu long ol arapela Pasifik kantri.

Long Papua Niugini, wok we Origin Gas i save wokim, em long saplaim Likwifait Petroleum Ges, (LPG).

As tingting bilong Origin Gas insait long kantri em

long helpim kantri long di-velopim eneji indastri long ol taun na ruel eria.

Wok bilong Origin Gas insait long kantri em i kain wok we bagarap i ken kamap, na long dispela as, kampani i kamapim sefti kempein long tokaut long pablik long ol rot bilong yusim ges long kuk, kisim hot wara, givim pawa long ekon na jenereita, na tu, long welding.

Marketing Eksekyutiv bilong Origin Gas, Henry Maipu, i tok ol bai yusim midia long autim tok i go long pablik na mekim pablik i kisim moa save long pasin bilong yusim ges.

Origin Gas i amamas long wok bung wantaim olgeta pipel bilong Papua Niugini long soim ol long stretpela pasin bilong yusim gas.

Long dispela as tu, Origin Gas i kamapim wanpela maskot, na ol i kolim dispela maskot long Ankol Gas Man. Origin Gas bai yusim Ankol Gas Man long taim ol i mekim ol awenes long pablik.



Maskot bilong Origin Gas, (Uncle Gas Man) i sanap wantaim Marketing Eksekyutiv bilong Origin Gas, Henry Maipu. Origin Gas i lon-sim sefti kempein bilong ol las wik.

Bisnis bilong gavman bai no inap dia

PRAIM Minista Peter O'Neill i tok olgeta bisnis bilong gavman i mas daunim pe bilong givim sevis na i no ken givim hevi long famili na ol bisnis.

Mista O'Neill i tok disisen bilong gavman long stopim PNG Pawa long no ken apim prais bilong baim pawa em i wanpela gutpela piksa na olgeta bisnis bilong gavman bai bihainim long no ken givim hevi long ol pipel.

Mista O'Neill i tok planti tam gavman i save tok yes tasol long apim prais bilong ol sevis olsem pawa, na ol arapela bisnis bilong gavman na ol pipel na ol liklik bisnis i save kisim taim long baim bikpela mani.

Dispela i save mekim ol bisnis bilong gavman tu i no save wok hat long lukautim ol yet na save apim kos.

Mista O'Neill i toksave long olgeta bisnis bilong gavman olsem gavman bilong em bai i no inap tok yes nating na apim prais bilong pablik sevis na ol arapela samting.

Praim Minista i tok Minista bilong Pablik Entaprais, Ben Micah bai tokim olgeta bisnis bilong gavman long ranim bisnis gut na yusim mani long gutpela rot long sanap strong long wok bisnis.

Mista O'Neill i tok dispela em long mekim ol pipel i no

ken kisim taim long baim. Em i tok ol sevis olsem wara na pawa em bikpela samting long laip bilong ol pipel na ol manesmen i mas ranim gut na no ken apim prais nating.

Mista O'Neill i tok gavman bilong em bai putim olsem eksampel taim em i kam long menesim gut bisnis bilong gavman na givim sevis long ol pipel na liklik bisnis.

Em i tok praivet sekta tu i mas bihaim dispela rot. Menesim gutmani bilong bisnis na yusim gut risos bai helpim bisnis long gro.

Mista O'Neill i tok em i harim krai bilong ol pipel na bisnis olsem prais bilong pawa long kantri em i dia tumas na gavman bilong em i mekim disisen long PNG Paw i no ken apim prais.

Praim Minista i tok ol pipel i wok long kisim taim longpela taim tru long taim prais bilong ol sevis i go antap. Em i tok dispela i kamap bikos planti bisnis bilong gavman i no ran gut na ol i yusim ol aset na mani long korap pasin.

Mista O'Neill i tok dispela kain pasin i pinis. Manesmen bilong ol gavman bisnis i mas stat long bosim gut ol aset na mani bilong pablik na i no ken apim prais na givim hevi long ol liklik bisnsi na ol pipel.



Nesenal Kepitol Distrik Komisen

Buai Tambu Hot lain

Nesenal Kepitol Distrik Komisen i singaut long ol pablik long tok-save long NCD sapos ol i lukim sampela lain i wok long salim buai long pablik ples na ol praivet ples insait long siti o stori bilong ol lain i save haitim buai na kisim i kam insait long siti.



Plis ringim dispela 24 aua Buai Tambu Tolfri Hot lain **72061111** long kotim ol lain husat i brukim lo bilong tambu long buai.

Olgeta toktok yu mekim bai i stap hait tasol

NCDC i laikim wanbel na helpim bilong yu long strongim tambu bilong salim buai long siti bilong yumi.

NCDC i stap long kamapim klin, helti na naispela Pot Mosbi, siti bilong yumi, na ples bilong yumi.

Authorised by

LESLIE ALU
Acting City Manager



Ramu Projek opim tingting bilong Tommy Murua

RAMU NiCo Projek long Madang provins i givim sans long planti ol lokal man long kisim wok na lainim sampela nupela samting we pastaim ol i no klia long en.

Dispela Projek i givim sans long ol lokal man long Usino-Bundi na ol long Inlen Paipain Maigari na tu long Kostal Paipain na Basamuk long wok na lainim sampela nupela teknoloji long nikel/kobalt maining, we em nupela mineral we Ramu NiCo Menesmen Limited, divelopa bilong Ramu Projek em namba wan long wok long en long PNG.

Wanpela lokal man bilong Usino-Bundi distrik husat i gat naispela stori wantaim Ramu NiCo Projek em Tommy Murua.

Tommy long nau yet i save wok olsem wanpela operetta long Maining Dipatmen long KBK Main antap long maunten blong Kurumbukari.

Tommy i stat wok namba wan taim wantaim Ramu Projek long mun Me 2005 taim enjiniaring konsalten kampani ENFI i krungutim PNG nambawan taim long Kurumbukari eria na i wok long lukluk raun long wokim rot i go antap long KBK maunten. Ol lain ENFI i painim Tommy daunbilo long maunten long Pendiva viles.

Long dispela taim ol ENFI wokman i wok long wok raun na kisim infomesen na Tommy long dispela taim em wanpela man tasol i save long tok Inglis i raun stap long ples na em i helpim ol lain wok lain bilong China wantaim infomesen olsem nem blong ples, ol sotkat rot na tu ol arapela samting. Bihain long ol lain na i amamas long infomesen em i givim, ol i no westim taim long kisim Tommy olsem wanpela wokman bilong ol insait long menesmen tim bilong ENFI

Stat long dispela taim, namba wan wok Tommy i wokim em long kisim ol sempol long main eria na bringim i go long Lae na bihain salim long sip i go long China. Tommy i helpim tu long painim na bungim ol lokal man long helpim long stretim rot. Bihain long dispela Tommy i kisim narapela wok gen long sait long lojistiks we em i helpim long bringim ol kago na kaikai i go antap long KBK.

Tommy yet i stori olsem long dispela taim pastaim long Projek i kirap i bin hatpela taim stret bikos ol lokal lain i save helpim long kago bihainim Palai maunten i go olgeta antap long KBK bikos nogat rot.

Em i wok sampela taim na bihain ol em i trense o muv i go long lojistiks tim long Madang bihain long ENFI i baim wantaim Stinger 250 hos-pawa moto bot na Tommy i wok long dispela bot long bringim ol saplais long Madang i go long Basamuk. Em i wok samting olsem wanpela yia na 6-pela mun na Ramu NiCo (MCC) i baim nupela bikipela bot olsem i kolim 'MV Hua Shung, na dispela i lukim Tommy i muv gen i go long wok nau wantaim Ramu NiCo.

Tommy i stori olsem dispela bot i wok samting olsem 6-pela mun tasol na kampani i baim narapela bot gen m "MV Angel, na dis-

pela i lukim bagaros bilong Bundi i wok long tupela bot wantaim. Long dispela taim Tommy i save wok klostu wantaim ol kepten na em i save helpim tu long sait long meintenens bilong bot na ol lain enjinia i save amamas long smatpela wok helpim stail mangi ya i save wokim.

Tommy i wok raun long solwara wantaim ol bot bilong Ramu NiCo sampela taim i go bihain na ol Nesenel Maritaim Sefti Atoriti (NMSA) i luksave olsem em i nogat ol pepa olsem simen o wokman bilong solwara olsem na menesmen i muvim Tommy gen i go wok long graun long woksop bilong Ramu NiCo long Madang Bes. Bagaros ya i wok sampela taim i go na em yet i risain long wokim sampela arapela praivet wok bilong em long ples.

Tommy i stap wanpela yia long ples na bihain kampani i askim em long go bek long wok long KBK main olsem draiva. Nau yet Tommy i sevim moa long wanpela yia nau bihain long em i joinim gen kampani.

Dispela stail lokal man bilong Usino-Bundi distrik i save gut long stori na toktok wantaim ol China wanwok bilong em bikso em i save long stail bilong ol long toktok i go kam wantaim ol long taim yet.

Tommy Murua i givim tok tenkyu bilong em i go long Ramu NiCo long planti ol senis i kamap long ples insait long KBK na tu kampani i bringim wok i go long ol lokal pipel na helpim long senisim sosel na ekonomik laipstail bilong ol manmeri.

Tommy i tokaut olsem sampela lain i save givim planti toktok krangki long Ramu Projek, tasol sapos ol i sindaun na tingim ol dispela bikipela samting na developmen i kamap long ples, bai ol i luksave olsem Ramu Projek i bringim planti nupela senis na developmen i kam long ples bilong ol olsem rot, bris na tu givim wok long ol lokal manmeri blong ples.

Tommy yet i no go long bikipela skul, tasol pasin long yusim gut save na tingting bilong em long kamap wantaim gutpela disisen long laip i helpim em long sanap strong long kamapim gutpela wok long laip na wokabaut bilong em.

Tommy i pinisim praimer skul long Bundi praimer skul long 1991 na i bin go long Brahman na pinisim gret 10 long 1996. Bihain long en em i go long Madang na wok wantaim Madang Bukmakas na bihain Brian Bell olsem selsman. Bihain em i risain na wok wantaim Coca Cola Amatil long Lae. Bihain long dispela em i risain na ronim wanpela PMV bisnis long Lae i go na em i les na go bek ken long ples

Tommy i mekim skul tu long Bisnis Edministresen wantaim Institiut ov Profesinol Stadis, na taim em i stap wantaim Madang Bukmakas em i bin wokim sampela korespondens long bringim ap gret 11 na 12 kwalifikesen o gret bilong em.

Stori bilong Tommy em naispela stori we i ken kirapim bel bilong planti lokal wokman meri insait long Ramu Projek long Madang provins.



Tommy Murua i sanap arere long bas long KBK.



Tommy (sindaun namel) wantaim ol wanwok long KBK Main.



Wanpela wok kar long KBK redi long weing-stesin.

Ramu NiCo redi long givim

Insait long moa long tupela yia, Ramu NiCo i sanapim pinis malti bilian Kina Ramu Nikel Projek, na nau mipela i redi long komisanim.

Bihain long mipela i kisim olgeta tok orait na stretim ol teknikal wok redi, Ramu NiCo i go het wantaim bikipela wok konstraksen long namba tu hap bilong 2008. I kam inap nau, olgeta bikipela konstraksen wok long Krumbukari main sait na Basamuk rifaineri i pinis, na projek i stap redi long kisim komisanim o tok orait long mekim wok. Long wol tu, dispela kain hariap sanapim em i no kamap bipo long wanpela kain bikipela projek olsem, na i daunim olgeta

salens bilong graun na masin bilong mekim wok.

Ol dispela namba i soim klia mak bilong wok mipela i pinisim:

- Moa long 4.5 miliar kubik mita bilong graun wok i pinis
- Klostu 195,000 kubik mita simen i silip pinis
- Klostu 48,000 tan stil bilding i sanap, hap long ol em ol nupela
- Moa long 2,000 yunit masin i sanap redi
- Moa long 227 kilomita bilong baret na proses paip i silip (antap long 135 kilomita slari paipain)

'Wanpela Ramu NiCo, Wanpela Komuniti'

Dokta Bang i nupela NARI bos

NESENEL Egrikalsa Risets Institut (NARI) i gat nupela bos, Dokta Sergie Bang

Ol i makim em long dispela posisen long stat bilong nupela yia, 2014.

Dokta Bang i kisim ples bilong Dokta Raghunath Ghodake, husat i bin holim wok olsem Sif Eksekutiv Opisa (CEO) bilong NARI long 11-pela yia, na em i wok moa long 25 krismas long egrikalsa long PNG. Em i no bin putim nem bilong long aplai gen long posisen taim kontrak bilong em i pinis long Desemba.

NARI Kaunsil na Pablik Sevis Komisn i bin makim Dokta Bang bihain long ol i glasim ol wok em i mekim olsem dairekta bilong NARI Risets na tu, deputi dairekta jenerel bilong NARI.

Siaman bilong NARI Kaunsil, Dokta John Kola i tok Dokta Bang i gat bikipela save na ekspiriens long egrikalsa risets developmen long nesanel na rijinal level. Em i tok insait long 16 kris-

mas nau, NARI i kam gut na ol wok em i mekim i gutpela long developmen bilong dispela kantri.

Taim em i tok amamas long Dokta Bang, Dokta Kola i askim ol woklain na ol stekholda long givim wankain sapot i go long Dokta Bang long karimaut wok bilong em olsem nupela CEO bilong NARI.

Long wankain taim tu, Dokta Kola i autim tok tenkyu na luksave long, Dokta Ghodake long bikipela kontribusen em i mekim long egrikalsa sekta na NARI long planti krismas.

Em i tok gutpela lidasip bilong Dokta Ghodake i bikipela samting we i kisim NARI long mak em i stap long en tude.

NARI Kaunsel i makim tu Dokta Workneh Ayalew olsem ekting deputi Jeneral long strongim eksekutiv menesmen. NARI i bilip olsem dispela bai strongim ogenaisesen long mekim wok i ran gut moa.



OLPELA I GO AUT NA NUPELA i KAM INSAIT: Olpela bos bilong NARI, Dokta Raghunath Ghodake i sekanim nupela bos i kisim ples bilong em, Dokta Sergie Bang. *Poto Seniorl Anzu, NARI*

Nupela fektori bilong galip kamap long Is Nu Briten

OL pipel long Niugiuni Ailans rijon nau i gat sans long strongim galip nat olsem wanpela prodak ol i ken salim na kisim mani long en. Na ol i ken prosesim na kamapim ol narapela prodak long en hia yet long PNG.

Nesanel Egrikalsa Risets Institut (NARI) rijonal senta long Keravat, Is Nu Briten Provins i sanapim wanpela fektori ol bin opim long las mun.

Galip nat em i wanpela nat i gro guti long NGI rijon na tu, long sampela arapela hap bilong PNG. Pipel i save kaikaim galip na yusim long ol kain rot long mekim kaikai i teis nais.

Em i gat taim yet bilong em long redi na pundaun

long diwai na pipel i kisim.

NARI i bin opim nupela rijinal opis lebotoretori wantaim ol narapela opis na tu, dispela galip nat prosesim fektori i kostim moa long K6 milien, taim ol bin selebretim 85 krismas bilong risets ste-sen long Keravat.

Ol i givim nem, David Loh Opis Kompleks, Gadi Ling Ges Haus na Galip nat prosesim fektori bilong luksave long kontribusen bilong tupela bikman husat i dai pinis long wok egrikalsa na risets long Keravat moa long 50 na 30 krismas.

AusAID, aninit long Insentiv Fan i bin givim K6 milien, na PNG gavman i givim K1.2 milien bilong sanapim nupela opis na galip fektori.

Australian Senta bilong Intenesenel Egrikalsal Risets (ACIAR) na Yuropien Yunien i sapotim dispela projek.

Nupela bilding i gat long en ol etminstresen opis, ol trening opis bilong ol fama, opis bilong ol meri long egrikalsa, infomesen na autris opis, opis bilong ol teknikel opisa, baioteknoloji leb na ol opis bilong ol saientis.

Bosman bilong NARI, Dokta Raghunath Ghodake i bin autim bikipela tok tenkyu long ol stekholda, ol dona na moa yet, gavman bilong Australia long bikipela sapot na helpim long helpim egrikalsa developmen na risets long NGI rijon na PNG.



PAINIM SEKEN SANS: OL animel i ken kamap ol gutpela pren bilong man, olsem dispela naispela meri dog, Kila. Kila i smail gut tru na em i save amamas taim ol man i kam klostu long en. Em i save laik sindaun wantaim ol man o meri, na tu, em i save harim tok. Kila i wanpela long ol dog i stap long lukaut bilong RSPCA long Waigani, Pot Mosbi. RSPCA em oge-naisesen i save lukautim laip na gutpela sindaun na rait bilong ol animel. Kila i stap wantaim RSPCA stat yet long las yia Septemba na i wok long painim sampela gutpela lain long kisim em. Sapos yu laik givim namba tu sans long laip long Kila na em i kamap hap long family bilong yu, yu ken ringim RSPCA long telepon namba : 3252363, o emailim ol long rspca@rspca.org.pg



SAKSAK BILONG KAIKAI NA SALIM TU: Saksak em i gutpela kaikai na long sampela hap bilong PNG olsem long Manus, Galp na Sepik provins, em i namba wan kaikai bilong ol pipel. Em i wanpela rot long mekim mani tu. Yu ken mekim ol kain stail kuk wantaim saksak long kamapim ol gutpela kaikai. Long ol bikipela maket, yu ken lukim ol i salim saksak wantaim ol narapela kaikai. Piksa i soim sampela yangpela mangki bilong ples Sivaiviri long Galp Provins i bisi long wokim saksak. *Poto: Sape Metta*

Nupela yia, nupela gem



NUPELA yia i stat nau na long wankain taim planti ol spot tu i wok long redim ol yet bilong nupela sisen.

Planti statim ol trening bilong ol pinis long las yia yet na sampela i stat dispela wik.

Planti ol of sisen tonamen na gem tu i wok long kamap yet na bai pinisim ol resis bilong ol liklik taim, bipo long ol sisen tru i stat.

Sampela samting bilong nupela yia

Sampela samting we yu mas lukluk long en long trening na gem bilong yu dispela yia long helpim tim bilong yu i kamap strong em ol nupela samting we i ken strongim tim moa.

Yu i mas lukluk bek long ol asua tim i mekim long 2013 na stretim ol long taim bilong trening - noken wet long stretim bihain long yu lusim namba wan gem bilong yu pinis o long taim sisen tru i stat.

Sapos i gat wanpela samting long trening o gem bilong yu we yu i no mekim stret o yu no bin i gat na dispela i daunim tim, nau em i taim bilong yu long lukluk long dispela ol samting na stretim hariap.

Namba wan taim long yu sekim ol dispela samting em long pri-sisen taim gem i no stat yet.

Sapos ol pilaia bilong yu no pilai gut long wanpela posisen, orait traim ronim ol long narapela posisen na lukim.

Wanem ol pilaia i gat strong tasol i nogat inap spit, givim moa trening bilong mekim em i spit moa.

Na sapos em i gat spit orait givim em sampela trening long strongim bodi bilong em moa.

Lainim gut long holim bal, tromoi bal, kalap, kik, ron, takol, pait, dispela olgeta em ol trening bilong pri-sisen.

Dispela ol samting yu bin lainim bipo taim yu kamap long pilaia namba wan taim tru tasol nau yu mas lainim ol gen bipo long yu go insait long ol arapela trening insait long sisen.

Taim sisen tru i stat nau, bai yu save pinis long strong na save bilong ol pilaia na tim bilong yu na bai yu ken lukluk long ol arapela samting we i kamap insait long gem na wok long en long trening.

Trening bilong wanwan spot

Wanwan spot i gat trening bilong ol yet, tasol olsem mi tok pinis, yu mas statim yia bilong yu wantaim trening bilong ol liklik samting long skulim tingting na bodi bilong yu gen bihain long longpela malolo na tu long kirapim skin bilong yu long pilai.

Sapos yu ragbi pilaia, yu ken stat wantaim ol trening bilong ron, tromoi bal, kik, takol, takol na kalap.

Yupela ol soka pilaia i ken kik, ron, kalap na pilai liklik tasol long bal.


Ol etletiks i ken ron liklik tasol na stretim ol masol na bodi bilong ol, na ol volibol na basketbol pilaia i ken tromoi bal, kalap na ron liklik.

Wankain i ken kamap long ol narapela spot yu save pilai.

Mekim kain trening inap tupela wik bipo yu keen putim sampela moa samting i go insait.

Dispela i ken helpim ol pilaia bilong yu long redim ol yet gut bipo yu soim ol arapela kain trening o stail bilong pilai we yu laik givim ol long dispela yia taim sisen i stat.

Sapos yu go insait stret tasol long ol nupela samting bai ol i ken paol liklik na



sampela bai no laikim tumas long mekim, we i ken lukim ol i kisim bagarap long trening.

Ol samting bilong nupela yia

Bikpela samting long mekim long nupela yia em long noken mekim ol wankain asua yu bin mekim long 2013.

Noken pilai wankain stail pilai we i mekim y ulus na noken mekim wankain trening bilong wanem ol pilaia bai les na

tu bai yu no inap senisim wanpela samting long bodi, tingting na save bilong ol pilaia long gem bilong ol.

Mekim ol nupela trening we bai helpim ol long lainim nupela samting long gem na tu bai paolim ol arapela pilai o tim nay u ken daunim ol long taim bilong pilai.

Tasol yu noken lustingting long hatim skin gut na stretim ol masol bilong yu bipo na bihain long trening na dring planti wara tu.

Sapos yu sik o i gat bagarap long bodi bilong yu, noken hariap long go bek pilai.

Malolo gut na lukim dokta long kisim tok orait bipo yu go bek long pilai graun bilong yu.

Tingting pasin bilong spot na noken kros nap ait wantaim ol ofisol bilong gem, ol sapota na ol arapela.

Bihainim ol loa bilong pilai na pilai strong tru wantaim olgeta save na strong bilong yu.

Manus gat nupela tim long NSL

PROVINSAL Gavman bilong Manus i lonsim nupela tim bilong ol we bai pilai long Nesanel Soka Lig (NSL) long dispela yia. Nem bilong tim em Admiralty Peliau Futbol Klap.

Opisal lonsing i bin kamap long las wik long Lorengau. Na Gavana bilong Manus, Charlie Benjamin i bin go pas long dispela lonsing. Ol arapela manmeri husat i bin stap long dispela lonsing tu em ol pilaia, ol opisal, ol manmeri husat i go pas long oge-naisim, na tu, ol pablik.

Admiralty Peliau FC i gat 30 man skwat, 4-pela pilaia i kam long Solomon Ailan, 18 pilaia i kam long Pot Mosbi, na 8-pela pilaia i kam long Manus yet.

Olgeta pilaia bilong Admiralty Peliau FC bai stap long Pot Mosbi long taim bilong pilai, long mekim isi long klap, long wanem, planti ol gem bai kamap long Pot Mosbi.

Long taim bilong lonsing, Gavana Benjamin i tok olsem dispela em i bikpela samting

tru long apim soka insait long provins.

"Bipo long 1970 na 80, standed bilong soka long Manus i bin antap tru. Nau taim Admiralty FC i kamap na i stap, mipela laik strongim gen soka long provins," Gavana Benjamin i tok.

Gavana Benjamin i amamas long lukim ol Admiralty Peliau FC i pilai long NSL long dispela yia, na em i tok tenkyu long olgeta manmeri husat i givim sapot long kamapim Admiralty Peliau FC.

"Gavman bilong Manus Provins i bin gat strongpela tingting long kirapim bek levul bilong soka long provins, na long dispela as, mipela i kamap wantaim wanpela komiti long las yia na pasim tok olsem bai mipela i kamapim wanpela Manus tim bilong pilai long NSL," Gavana Benjamin i tok.

Bikpela spona bilong Admiralty Peliau FC em Admiralty Peliau Limited, dispela kampani em i kam aninit



Admiralty FC i kisim poto bipo long ol i go pilai wanpela frenli gem wantaim wanpela tim bilong Manus yet.

long Manus Provinsal Gavman. Na dispela kampani em wanpela kampani we ol pipel bilong Manus yet i papa long en.

Gavana Benjamin i tok long las yia, K1 millien i bin kam long strongim ol spot insait long Manus, na K640, 000 em i bin mani mak insait

long dispela K1 millien we Manus Provinsal Gavman i yusim long statim dispela nupela tim. Long lonsing bilong tim,

Gavana Benjamin i toktok long ol pilaia long pilai strong, stap olsem gutpela pilaia, na karim nem bilong Manus.

Morobe gat ol gutpela soka pilaia long ples

Isaac Liri i raitim

LONG taim bilong selektim ol pilaia bilong ol grasrut gem olsem PNG Gems, ol provinsal selekta i save makim ol pilaia husat i stap long taun, na tu, ol pilaia husat i gat ekspirians, na i kisim luksave pinis.

Long lukluk bilong presiden bilong Wau Soka Asosiesien, Sam Farok, em i tok olsem, long ol PNG Gems i go pinis, Morobe i save kisim ol pilaia husat i save pilai long Nesanel Soka Lig (NSL), Lae Futbol Asosiesien (LFA). Na ol i no luksave long ol arapela soka lig long ol ruel eria.

"Ol selekta i no save givim sans long ol pilaia husat i save pilai long ol ruel kompetisen. I gat planti ol gutpela

pilaia long ol bus maunten bilong Morobe, olsem Kabwum, Finsafen, Bulolo, Markham, na ol arapela distrik tu. Ol selekta long provinsal levul i save givim baksait long ol dispela pilaia," Mista Farok i tok.

"PNG Gems bai kamap long Lae long dispela yia, na mipela ol komiti bilong ol ruel kompetisen i laik lukim olsem ol provinsal selekta i makim planti ruel pilaia," Mista Farok i tok.

Ol distrik gem bilong Morobe i stat pinis, na Mista Farok wantaim ol arapela soka komiti bilong ol ruel komyuniti insait long Morobe i statim wok painimaut bilong ol pinis long lukim olsem planti pilaia bilong ol ruel komyuniti i stap insait long Morobe skwat.



Presiden bilong Daru Ragbi Lig, Alex Apli.



Dairekta bilong PNGRFL long Sauten Rijon, Gwaibo Mairi

Daru ragbi lig i kam bek

DARU long Westen Provins em i wanpela ples long Papua Niugini we i save kamapim sampela gutpela ragbi lig pilaia long bipo.

Bihain long tenpela yia i go pinis, Daru ragbi lig bai i kam bek gen, na Papua Niugini bai lukim gen sapos Daru i ken kamap wantaim sampela top pilaia.

Dairekta bilong Papua Niugini Ragbi Futbol Lig (PNGRFL), Sauten Rijon, Gwaibo Mairi, i tok welkam long Daru Ragbi Lig long las wik taim ol

komiti bilong Daru Ragbi Lig i sainim wanpela epikesen pepa.

"Bihain long 23 yia i pinis, na em i gutpela long lukim Daru Ragbi Lig i kam bek na soim pes long dispela spot," Mista Mairi i tok.

Presiden bilong Daru Ragbi Lig, Alex Apli, i tok tenkyu long Gavana bilong Westen Provins, Ati Wobiro, long wanem, em i givim K150, 000 long kirapim bek gen Daru Ragbi Lig.

Mista Apli wantaim ol komiti

bilong Daru Ragbi lig i amamas tru long lukim Daru Ragbi Lig i kam bek. Ol sampela ol komiti memba em Paul Dilu, husat i sekreteri, Francis Morola tresera na siaman bilong ol selekta em Sisa Kimia.

"Mipela i gat wanpela faiv yia ragbi lig program tu, na dispela program bai stat wantaim kompetisen long dispela yia. Kompetisen bai i stat wantaim 8-pela tim, na olgeta gem bai kamap long Daru spot oval," Mista Apli i tok.

Wellington Albert bai pilai wantaim ol Penrit Penta

SIF Eksekutiv Opisa (CEO) bilong Papua Niugini Ragbi Futbol Lig (PNGRFL), Brad Tassell, i tok yangpela Kumul pilaia Wellington Albert bai go long Australia long pilai wantaim ol Penrit Penta long NRL.

Kontrak bilong em wantaim ol Penrit Penta em tu yia kontrak, na Wellington bai lusim kantri long dis wik.

Mista Tassell em i amamas tru long Wellington na i tok em bai lukim olsem Wellington i kamap gut. Na PNGRFL bai sapotim em, na tu, ol arapela yangpela ragbi pilaia husat i gat talen olsem Wellington.

"Wellington em i wanpela gutpela eksampel. Mipela i bin painim wanpela gutpela menesa bilong em, na menesa bilong em i bin toktok gut wantaim mipela long PN-



Wellington Albert i trening long jim. Poto Nicky Bernard

GRFL na tu, long papamama bilong Wellington.

"Mipela long PNGRFL bin givim tok skul long Wellington long gutpela bilong em olsem pilaia, na tu olsem sumatin.

Na taim Wellington i kisim kontrak bilong em wantaim ol Penrit Penta, mipela long PNGRFL i helpim em long stretim visa bilong em," Mista Tassell i tok.

- Weekend Sports -



SEASON PROPER - ROUND TWO, GAME FOUR

Saturday, 25th January 2014

DIAMOND TWO

TIME	TEAMS		TEAMS	GRADE	REMARKS
9.00 - 10.00	CHEBU/BEARS/YOKOMO	V	WOLVES/STINGERZ	U/16	
10.00 - 11.15	CHEBU	V	GAZELLE	B	
11.15 - 12.30	STINGERZ	V	WOLVES	B	
12.30 - 13.45	CHEBU	V	GAZELLE	A	
13.45 - 15.00	STINGERZ	V	WOLVES	A	
BYE	UNITED SISTERS A&B				

DIAMOND THREE

TIME	TEAMS		TEAMS	GRADE	REMARKS
9.00 - 10.00	ADMIRALTY/U.SISTERS	V	WANTOK/GAZELLE	U/16	
10.00 - 11.15	WANTOKS	V	ADMIRALTY	B	
11.15 - 12.20	BEARS	V	YOKOMO	B	
12.30 - 13.45	WANTOKS	V	ADMIRALTY	A	
13.45 - 15.00	BEARS	V	YOKOMO	A	
BYE	UNITED SISTERS A & B				



1 **Saiking:** (L to R) Man bilong Luxembourg, Frank Schleck, Australia Cadel Evans, Simon Gerrans na Jermány, Andre Greipel i redi long mak bilong statim resis long Tour Down Under saiklin resis insait long Adelaide, Australia long Sande, Jan. 19.

2 **Tenis:** Tomas Berdych bilong Sek Ripablik soim stail egens David Ferrer bilong Spen insait long kota fainal long Australia Open tennis tonamen long Melbon long Tunde, Jan. 21.



3 **Tenis:** Serena Williams bilong US i sindaun na pasim ai taim em i sevim bal i go na popaia taim em i pilai egens meri Sebia, Ana Ivanovic long wimens singel gem long Australian Open long Melbourne long Januəri 19.

4 **Tenis:** Meri Kenada, Eugenie Bouchard sutim bal long ol meri singel pilai egens meri Sebia, Ana Ivanovic long namba nain de bilong 2014 Australian Open tennis tonamen long Melbon long Januəri 21, 2014



Oi spot eksen poto long wiken...



1: SOKA: Nupela tim bilong Manus, Admiralty Peliau FC, dispela tim i redi long kirapim das long Nesenel Soka Lig (NSL) long dispela yia.

2: TRENING: Wanpela pilaia bilong PNG SP Hanta i trening strong na redi long pilai long Intra Supa Kap em bai stat long mun Mas.

3: RAGBI: Oi ragbi lig pilaia tu i gat strong long boksen.

4: WOM AP: Admiralty Peliau FC i wokim sampela bek strets.

5: KOREKSEN: Yiannis Nicolaou wantaim pikinini meri bilong em Konstania Nicolaou i sanap bihain long pilai bilong Konstania wantaim Lamana tim long Bisini Netbal Kot long Pot Mosbi. *Wantok Niuspepa* i raitim rong nem bilong Yiannis Nicolaou long las wik.

Oi Poto Nicky Bernard.

TOKSAVE: Salim ol spots dro bilong yu kam long Feks; 325 2579, e-mel;bveo@wantok.com.pg o kam lusim long Wantok Niuspepa opis long Able Building Complex long Central Waigani, NCD.



Moa oil na meat insait

Tupela bikpela ragbi sta bai kam long PNG

SIF Eksekutiv Opisa (CEO) bilong Papua Niugini Ragbi Futbal Lig (PNGRFL), Brad Tassell i tokaut long las wik olsem tupela bikpela ragbi sta bilong NRL long bipo bai i kam long Papua Niugini.

Dispela tupela ragbi sta em olupela kepten bilong ol Kwinslan Marun, Wally Lewis, na olupela kepten bilong ol Nu Saut Wels Blu, Andrew Johns.

Dispela tupela biknem ragbi lig pilaia bilong Australia na wol bai kam long opisal lonsing bilong ol SP PNG Hanta long Februəri long Pot Mosbi.


"Dispela lonsing em i wanpela bikpela samting tru, na

long lukim tupela biknem pilaia bilong Australia i kam long sapotim dispela lonsing, em i mekim mipela long PNGRFL i amamas tru."

"Raun bilong dispela tupela man i soim olsem Australia i amamas long lukim wanpela PNG tim i pilai long Intrast Supa Kap long Kwinslan," Mista Tassell i tok.

Long dispela lonsing, PNG singa Jokema bai stap tu long singim nupela tim song bilong ol SP Hanta.

Dispela lonsing bai las taim bilong ol sponsa na ol sapota long lukim ol Hanta bipo long ol i pilai namba wan gem bilong ol wantaim Redcliffe.



Intenesenel ragbi lig i save kolim Wally Lewis na Andrew Johns olsem ol lejen bilong ragbi lig.

Albert bai lusim kantri long dis wik. Ol spot dro - Pes 25



PMV

DIESEL OIL



PMV OIL BILONG YUMI

BOROKO MOTORS

PORT MORESBY	☎ 325 5255
LAE	☎ 472 1144
MT HAGEN	☎ 542 1933
TABUBIL	☎ 649 9048
KIMBE	☎ 983 5035
MADANG	☎ 422 2659
KOKOPO	☎ 982 8193
GOROKA	☎ 532 3552

Email: info@borokomotors.com.pg
Website: www.boroko-motors.com